

ASO FARAILE, 24 IANUARI 2014

Na nofoia le Nofoa e le Fofoga Fetalai i le itula e 9:00 i le taeao.

Tatalo.

FOFOGA FETALAI: E faatalofa atu i le paia o le Palemene i leni taeao fou; malo le soifua malo le usufono. Malo le faamalolosi mai i lo outou paia ma lo outou mamalu aua le faaauauina o a tatou galuega o leni aso. O le tatou Fonotaga ua faamoemoe e faamaea i leni Aso Faraile ona o lo o i ai nisi o tuatuaanoa o le Malo aemaise foi o polokalame mo le faamaeaina o Fonotaga o leni masina. O le a se mea o le a tatou ausia i leni aso, e le uma ai le faiaso o le Alii. Ou te talitonu o lo o sau malama i se itula ua uma ona faatulaga e le Komiti o Galuega a le Maota e faapena ona faasolosolo ai a tatou Galuega.

**TULAFONO TAU FAAOFI O TEUTEUGA O LE FAAVAE
(NU.2) 2013 – faitauga faatolu**

FOFOGA FETALAI: A o lei faagasolo le faitauga faatolu o le Tulafono Tau Faaofi o Teuteuga o le Faavae (Nu.2) 2013, o lo o i ai le Faasaoga i lalo o le suafa o le Afioga i le Palemia.

Tulai mai lau Afioga i le Palemia.

Susuga Hon TUILAEPA FATIALOFA LUPESOLIAI AIONO NEIOTI SAILELE MALIELEGAOI (Palemia): Lau Afioga i le Fofoga Fetalai, a o lei see atu le Fono Aoao i le faitauga faatolu o le Tulafono Tau Faaofi, ou te faatu le Faasaoga e faapea:-

“FAASAOGA:

Ia aveese le fuainumera “(Nu.2)” ma le fuainumera “2013” ma suia i le Fuainumera 2014 ma faitauina ai le Tulafono Tau Faaofi e faapea;

Tulafono Tau Faaofi o Teuteuga o le Faavae 2014”.

Faaluaina e le Sui Palemia ma le Minisita o Tupe.

Faamaonia le Faasaoga.

24 IANUARI 2014

**Tulafono Tau Faaofi o Teuteuga o le Faavae (Nu.2) 2013
– faitauga faatolu**

FOFOGA FETALAI: Ou te tapa lau Afioga i le Palemia mo se lafo mo le faitauga faatolu.

Tulai mai lau Afioga i le Palemia.

Susuga Hon TUILAEPA FATIALOFA LUPESOLIAI AIONO NEIOTI SAILELE MALIELEGAOI: Lau Afioga i le Fofoga Fetalai ou te tulai atu e faatu le lafo, *Ina ia faitauina nei le Tulafono Tau Faaofi o Teuteuga o le Faavae 2014 i lona faitauga faatolu.*

Faaluaina e le Sui Palemia, Minisita o Tupe ma le Minisita mo Tina ma Tamaitai, Atinae o Nuu ma Afioga ma Agafesootai.

FOFOGA FETALAI: Ua maea ona faamalieina aiaiga o le Faavae e tusa ai ma le vaitami o le va o le faitauga faalua ma le faitauga faatolu o le Tulafono Tau Faaofi o Teuteuga o le Faavae (Nu.2) 2014. O le aiaiga mulimuli e tataua ona faamalieina, o le lagolagoina lea i le faitauga faatolu i le palota e le i lalo ifo o le 2/3 o sui usufono o le Palemene ma o le a tuuina atu le Fesili i le faitauga faatolu i se Palota Tauvalaau.

Na ta le logo.

Fesili: Po o le a faitauina nei le Tulafono Tau Faaofi o Teuteuga o le Faavae (Nu.2) 2014 i lona faitauga faatolu, O e finagalo i ai ia tutulai mai. Ia alaaala i lalo sui usufono pe a maea ona taua outou suafa e le Failautusi.

PALOTA TAUVALAAU T.T.93(1)

1. **Susuga Hon Tuilaepa Fatialofa Lupesoliai Aiono Neioti Sailele Malielegaoi**
2. **Tofa Hon Fonotoe Nuafesili Pierre Lauofo**
3. **Afioga Hon Fiamē Naomi Mataafa**
4. **Tofa Hon Tuiloma Lameko**
5. **Afioga Hon Faumuina Tiatia Faaolatane Liuga**
6. **Afioga Hon Tuisugaletaua Sofara Aveau**
7. **Tofa Hon Tolofuaivalelei Falemoe Leiataua**
8. **Afioga Hon Le Mamea Ropati**
9. **Afioga Hon Tuitama Talalelei Tuitama**
10. **Afioga Hon Magele Mauiliu**
11. **Tofa Hon Faamoetaulua Lealaiauloto Ulaitino Faale Tumaalii**
12. **Afioga Hon Manualesagalala Enokati Posala**
13. **Afioga Hon Sala Fata Lisati Pinati**
14. **Afioga Hon Leaupepe Toleafoa Apulu Faafisi**

24 IANUARI 2014

**Tulafono Tau Faaofi o Teuteuga o le Faavae (Nu.2) 2013
– faitauga faatolu**

15. **Tofa Hon Tuuu Anasii Leota**
16. **Afioga Toeolesulusulu Cedric Pose Salesa Schuster**
17. **Tofa Tapuai Toese Ah Sam**
18. **Tofa Aveau Tuala Lepale Niko Palamo**
19. **Tofa Tuileutu Alavaa Voi**
20. **Tofa Lealailepule Rimoni Aiafi**
21. **Susuga Papalii Lio Faavaivaio manu Taeu Masipau**
22. **Tofa Levaopolo Talatonu**
23. **Tofa Lefau Harry Schuster**
24. **Afioga Hon Palusalua Faapo II**
25. **Tofa Fagaaivalu Kenrick Samu**
26. **Afioga Tufuga Gafualeata Faitua**
27. **Afioga Lautafi Fio Selafi Purcell**
28. **Tofa Alo Fulifulu Taveuveu**
29. **Tofa Tuiloa Anetelea**
30. **Afioga Lafaitale Patrick Leiataualesa**
31. **Tofa Tuisa Tasi Patea**
32. **Tofa Lenatai Victor Faafai Tamapua**
33. **Tofa Sooalo Mene**
34. **Afioga Taefu Lemi**
35. **Afioga Afoafouvale John Moors**
36. **Susuga Ifopo Matia Filisi**
37. **Afioga Tialavea Fea Tionisio Seigafolava**
38. **Tofa Tusa Misi Tupuola**
39. **Afioga Maualaivao Pat Ah Him**
40. **Afioga Peseta Vaifou Tevaga**
41. **Afioga Tafua Maluelue Tafua**
42. **Afioga Muagututagata Faamausili Auimatagi Peter Ah Him**
43. **Afioga Hon Gatoloaifaana Amataga Alesana Gidlow**
44. **Susuga Hon Papaliitele Niko Lee Hang**
45. **Tofa Agafili Patisela Eteuati Tolovaa**

IOE – 45

FOFOGA FETALAI: O e na teena le lafo.

LEAI - 0

FOFOGA FETALAI: O le iuga lenei o le tatou Palota Tauvalaau. O e na lagolagoina le Tulafono Tau Faaofi o Teuteuga o le Faavae (Nu.2) 2014 e 45, O e na tetee e leai.

24 IANUARI 2014

**Tulafono Tau Faaofi o Teuteuga o le Faavae (Nu.2) 2013
– faitauga faatolu**

O lea ou te faasilasila atu ai ua talia nei le Fesili ma ua lagolagoina le faitauga faatolu o le Tulafono Tau Faaofi o Teuteuga o le Faavae (Nu.2) 2014 e ala i le Faaiuga o le Palota Tauvalaau i le silia ma le 2/3 o sui usufono o le Palemene.

Na faamaonia le lafo ma faitauina le Tulafono Tau Faaofi i lona faitauga faatolu ma faapea ona pasia le Fono Aoao Faitulafono.

**TULAFONO TAU FAAOFI O TEUTEUGA O LE TULAFONO O LE
FALETUPE TUTOTONU O SAMOA 2014 – faitauga muamua**

FOFOGA FETALAI: Tulai mai lau Afioga i le Minisita o Tupe.

Afioga Hon FAUMUINA TIATIA FAAOLATANE LIUGA (Minisita o Tupe): Lau Afioga i le Fofoga Fetalai ou te tulai atu e faatu le lafo, *Ina ia faitauina nei le Tulafono Tau Faaofi o Teuteuga o le Tulafono o le Faletupe Tutotonu o Samoa 2014 i lona faitauga muamua.*

Faaluaina e le Minisita mo Fesootaiga ma Faamatalaga Tekonolosi ma le Minisita mo Tina ma Tamaitai, Atinae o Nuu ma Afioga ma Agafesootai.

Na faamaonia le lafo ma faitauina le Tulafono Tau Faaofi i lona faitauga muamua.

**TULAFONO TAU FAAOFI O TEUTEUGA O LE TULAFONO O LE
FALETUPE TUTOTONU O SAMOA 2014 – faitauga faalua**

FOFOGA FETALAI: Talu ai ua ou taulimaina le Tusi Faamaonia o le Tulaga Faanatinati ma ua maea ona sainia e Lana Afioga Mamalu O Le Ao o le Malo le Tulafono Tau Faaofi leni. O lea o le a sagai atu loa le Fono Aoao mo le faitauga faalua.

Tulai mai lau Afioga i le Minisita o Tupe.

Afioga Hon FAUMUINA TIATIA FAAOLATANE LIUGA: Lau Afioga i le Fofoga Fetalai ou te faatu le lafo, *Ina ia faitauina nei le Tulafono Tau Faaofi o Teuteuga o le Tulafono o le Faletupe Tutotonu o Samoa 2014 i lona faitauga faalua ma ou te fia tautala faamalamalama i ai.*

Faaluaina e le Sui Palemia, Minisita mo Fesootaiga ma Faamatalaga Tekonolosi ma le Minisita mo Tina ma Tamaitai, Atinae o Nuu ma Afioga ma Agafesootai.

24 IANUARI 2014

Tulafono Tau Faaofi o Teutauga o le Tulafono o le Faletupe Tutotonu o Samoa 2014 – faitauga faalua

FOFOGA FETALAI: Tulai mai lau Afioga i le Minisita e saunoa faamalalalama.

Afioga Hon FAUMUINA TIATIA FAAOLATANE LIUGA: Lau Afioga i le Fofoga Fetalai ma le mamalu o le Palemene, e pei ona silafia le suiga o a tatou tupe ua i ai nei i tupe siliva, o le \$2, \$1, 50sene, 20sene ma le 10sene lea na suia i le tausaga 2012. O le Tulafono o lo o i ai nei e le o i ai se taimi e faagata ai le toe faafoiina o tupe tuai nei i totonu o le Faletupe Tutotonu. O le suiga la o le vaega lea o Tulafono Autu ina ia i ai se taimi e faagata ai ona toe faafoi tupe nei ae sui mai i tupe fou e le Faletupe Tutotonu. Ona pau lava lea o le suiga na o le faatulagaina o le taimi e faagata ai ina ia vave ona toe faafoi mai tupe nei, ona e le faigofie le toe avatu e toe faaliliu i le tulaga e fai ai tupe fou, aemaise lava tupe siliva ia faigofie ona toe faafoi nei tupe i Ausetalia. Ia manuia le Fono.

FOFOGA FETALAI: O lo o avanoa le Maota mo se manatu, ae afai e leai, e le o se Tulafono Tau Faaofi tele aua o le Tulafono Tau Faaofi e sui ai tupe siliva e pei ona ua outou molimauina.

Ou te faatalofa atu i lau Afioga i le Taitai o le Itu Agai, tulai mai e saunoa.

Afioga Hon PALUSALUE FAAPO II (Taitai o le Itu Agai): Lau Afioga i le Fofoga Fetalai, faafetai i lou avanoa. Ma lou faaaloalo lava, ua ou tulai atu ona e puupuu so’u sao i lenei Tulafono Tau Faaofi taua.

O lea ua aumai nei le Teuteuga o le a faagata ma ia manino le aso e faagata ai ona aumai tupe a le atunuu, tupe tuai. O le taimi nei ou te talitonu o lo o le manino i le Tulafono Tau Faaofi le taimi e aumai ai tupe i totonu.

Lau Afioga i le Fofoga Fetalai, ona pau lava lea o le mea o le puipuiga mo nai o tatou tagata i a latou tupe. E le faigofie le sau i totonu e sui le tupe pepa po o le tupe siliva ae avatu le tali, e leai e le talia. O fea la o i ai le puipuiga o nai o tatou tagata i a latou tupe ona o la faatoa maua ifo ae ua tapuni le avanoa? O le mea lea lau Afioga i le Fofoga Fetalai, leaga o le Itu lenei e taumafai lava i le aia tatau a le atunuu i a latou tupe. E le faigofie le maua o se tupe, ioe, e le faigofie pe a sau ae tago atu ua leai se tupe e totogi ai le pili o le eletise, e tago atu ua leai se tupe e fesoasoani i le taugata o le soifuaga, ae sau e le talia.

Ona pau lava lea o le vala e tatau ona silasila i ai lau Afioga i le Minisita, ina ia fesoasoani i nai o tatou tagata ua le iloa po o fea a tua i ai ona o le mea lea. Sei silasila totoa ane i ai ona o le tulaga lea e aafia ai tupe a le atunuu.

FOFOGA FETALAI: O lea ua maua atu lau Afioga i le Taitai o le Itu Agai.

Sei tulai mai lau Afioga i le Palemia.

24 IANUARI 2014

Tulafono Tau Faaofi o Teutauga o le Tulafono o le Faletupe Tutotonu o Samoa 2014 – faitauga faalua

Susuga Hon Tuilaepa Fatialofa Lupesoliai Aiono Neioti Sailele Malielegaoi: Lau Afioga i le Fofoga Fetalai o se mea e fia faasao.

Se ou te ofo foi au i le teu umi o au tupe. Ua leva lava ma ua ou le iloa pe ua ova i le sefulu tausaga talu ona le toe i ai tupe ia, a o la lava e i ai tupe taitasitasi ia. Pe tasi ea foi lau \$1 tuai la e i ai, a o tupe na e le totogia ai ni pili. Se ou te ofo au ua leva ona faasa. Ai vagana o tagata o lo o umia tupe nei, o le afaipisinisi foi nei mai fafo e pei e nonofo ma taofiofi.

O tagata faipisinisi nei mai fafo e i ai le mea lena faapea a umi ona e taofia, e toe oo ane i le taimi e toe fesui ai atu ai ua tele le aoga. O le ala lena o lea e fai ai le mea lea. E le o toe i ai ni o tatou tagata o toe i ai ni tupe tetele faapena ua leva e le o toe faaogaina, ae talofa e i le au polokiki, se matua tuai tele nei polokiki.

Lau Afioga i le Fofoga Fetalai, e pei o le mafuaaga lena ua ala ai ona fai le mea lea ona o mea tuai lava foi nei ua leva ona le aoga.

FOFOGA FETALAI: Tulai mai le sui usufono mo Faleata Sisifo.

Tofa LEALAILPULE RIMONI AIAFI (Faleata Sisifo): Lau Afioga i le Fofoga Fetalai, e lagolagoina e le sui usufono le Tulafono Tau Faaofi, ae ona pau lava o lea, o le fautuaga lau Afioga i le Minisita o Tupe o lo o i ai foi au tupe, ae ua ala ona le aveesea au tupe tuai o lo o i ai, ona o le manaia o le lapopoa toe mamafa. E tusa lava pe le tele se tupe ta te fealuai ma ita, a o lea e pa'o'o ai lata taga i siliva. A o tupe ia ua aumai nei, e le mafiafia, ta te le lagonaina o i ai se tupe i le laiti tele o nai mea.

O le mea lea lau Afioga i le Minisita o Tupe, se toe tau faalapopoa teisi a tatou tupe e pei ni sene nei tupe. Pe leai se fuafuaga foi lele ae sei tau faamafamafa laitiiti a tatou tupe fou nei.

FOFOGA FETALAI: Malo. O lea ua maua le finagalo o le sui usufono. Ua maea le atuvasa o le fautuaga lea ona o lea ua uma ona fai a tatou tupe. Ona pau le mea lea o le faatulaga o le aso e faafoi ai tupe, o le auga lena o le Tulafono Tau Faaofi.

Sei tulai mai lau Afioga i le Minisita e tali atu - oi, ia malie le Minisita o lo o i ai le fesili mulimuli a le Taitai o le Itu Agai.

Afioga Hon PALUSALUE FAAPO II: E lei uma lou taimi faamolemole lau Afioga i le Fofoga Fetalai, e faamalulu atu ai.

FOFOGA FETALAI: Ia faapuupuu mai lau Afioga i le Taitai o le Itu Agai.

Afioga Hon PALUSALUE FAAPO II: Ona pau lava le mea lea lau Afioga i le Fofoga Fetalai ina ia faamanino, o mea nei o tupe, a umi ona teu ma tuu, e alu i luga le value ona e pei e fai faa-souvenir foi lele.

24 IANUARI 2014

Tulafono Tau Faaofi o Teutauga o le Tulafono o le Faletupe Tutotonu o Samoa 2014 – faitauga faalua

O le mafuaaga lea e ala ai ona teu e tagata nei tupe. O la e silafia lelei lava, a teu umi lau tupe, e te sau i le faletupe ua tataua ona tele le value. A o le a le mea lea ua tupu nei? E te sau ma lau \$100 ua le taulia. O le mea lena e tataua ona silasila i ai lau Afioga i le Minisita.

Susuga Hon Tuilaepa Fatialofa Lupesoliai Aiono Neioti Sailele Malielegaoi: Lau Afioga i le Fofoga Fetalai, o le mea la e tataua ona tau faamanino atu, e leai ni mea faapena e faia iinei, e fai i fafo. E i ai pisinisi a tagata e fai i Peretania, fai i Amerika e latou te faataua mea ia o le tausia o tupe tuai nei a isi atunuu.

Ei ai le mea na ou vaai i ai talu ai nei lava, e i ai le kuata \$1 a le isi tagata na ou vaai i ai, na alu ave i Amerika, e pei lava e ova i le \$1miliona tala le tau. O lona uiga la, na o atunuu la i fafo e fai ai. Ia, o ai le vale na te faia na mea iinei?

Ona pau lava la le mea lea e faaoga o le fia aveese ma le faalavelave i le faletupe ona ua leva ona fai atu, aumai tupe e fesui ai ae nofonofa lava. Na o le pau lava tagata e nofonofa ma tupe nei, na o tagata milionea iinei i Samoa, ae aveese na mea e leai lava ni tagata o le tatou atunuu o umia ni mea faapena, ae se i vagana le au milionea e i ai le Taitai o le Itu Agai, le sui usufono mo Falealupo ma le sui usufono mo Faleata Sisifo. E le o taua mai le aualii lea, a o lona uiga o la e lauga ia mo laua, ae vagana si tama o Leala, le sui usufono mo Faleata Sisifo o lea e tau sao mai lava lona ia faavalevalea o ia.

Afioga Hon PALUSALUE FAAPO II: Lau Afioga i le Fofoga Fetalai, ua uma foi sou taofi. Ona pau lava lea, o le aia tataua a tagata lea e fai atu ai i ana tupe, ona pau lava lea. O lea e faafogafoga mai le atunuu. Ia manuia le Fono.

FOFOGA FETALAI: Malo; tulai mai lau Afioga i le Palemia.

Susuga Hon Tuilaepa Fatialofa Lupesoliai Aiono Neioti Sailele Malielegaoi: A foi lea o le aia tataua lea ua ou fai atu ai, lea ua aumai iinei le sui usufono mo Faleata Sisifo, le Taitai o le Itu Agai ma le sui usufono mo Falealupo. A aumai le lua \$1 lena iinei, na o le \$1 lava e toe faafoi atu a o le i tapunia, ae a oulua o i Amerika, e maua le lua tai \$1miliona i le 200 tausaga o lumanai.

Lau Afioga i le Fofoga Fetalai o le tulaga lena, a o le aumai faapea talofa e i tagata o le tatou atunuu. E leai ni tagata faapena. E pei foi ona ou fai atu, na ou maua foi le \$1 na taatia i totonu o lau kesi, ona ou faapea lea, o le a le aoga o lena mea? Ona ou tago loa lea tiai aua e leai se aoga.

FOFOGA FETALAI: Tulai mai lau Afioga i le Minisita e faai mai le saunoaga.

24 IANUARI 2014

Tulafono Tau Faaofi o Teutauga o le Tulafono o le Faletupe Tutotonu o Samoa 2014 – faitauga faalua

Afioga Hon FAUMUINA TIATIA FAAOLATANE LIUGA: Lau Afioga i le Fofoga Fetalai, faafetai o lea ua tele lenei faamalamalamaga a le Afioga i le Palemia.

O le tulaga lea a fia teu tupe e ave teu i le faletupe ae le teuina i fale. O le system lea e faaoga e le vaega lea Komunisi e teu i lalo o moega, teu i totonu o aluga pe eli foi se pu i le fale, uma ane ua leai se value o le tele o tupe sa teui faapena. E ala ona fai faapena e le aualii lena, ona ina ia avoid ai le tologiina o lafoga. A o le tulaga lea e pei ona saunoa le Taitai o le Itu Agai faapea o le alofa i tagata, e le o se alofa la le mea lena. O le mea tonu lava lea e tau o le alofa o le toe faamanatu i tagata, a o i ai se isi e fia faafoi mai tupe o lea o le a tapunia. E le faapea o iinei Tuivalea, afai lava e ono masina e faafoi mai ai, e ono foi masina e sauniuni ai. A finagalo foi le tagata e teu ana tupe e fai ma souvenir, lelei.

O le tali i le Afioga i le sui usufono mo Faleata Sisifo, o le tatou tupe tuai e mamafa toe lapoa, a o le tupe lea ua i ai nei e le gata e laitiiti ae mama. O lona uiga, o le faautautaga na fai ai na mea mama, leaga e i ai le charge e charge ai pe afai e mamafa. O lona uiga, a faafoi o le tulaga lena e i ai, o lea e taugofie ai le toe mint ina o a tatou tupe ma faalaitiiti le tulaga lea i le size o le tupe ma sei tuu foi i ai le ata matagofie o le tatou atunuu, aemaise Lana Afioga Mamalu O Le Ao o le Malo o lo o i ai nei.

Ma lou faaaloalo lava, faafetai i sui usufono mamalu o le Palemene.

Na faamaonia le lafo ma faitauina le Tulafono Tau Faaofi o Teuteuga o le Tulafono o Faletupe Tutotonu o Samoa 2014 i lona faitauga faalua.

TULAFONO TAU FAAOFI O TEUTEUGA O LE TULAFONO O LE FALETUPE TUTOTONU O SAMOA 2014 – iloiloga auiliili

FOFOGA FETALAI: Talu ai ona ua ou taulimaina nei le Tusi Faamaonia o le Tulaga Faanatinati ma ua maea ona sainia e Lana Afioga Mamalu O Le Ao o le Malo le Tulafono Tau Faaofi lenei. O lea o le a sagai atu loa le Fono Aoao i le Iloiloga Auiliili.

E tusa ai ma le Tulafono Tumau 102, e amata le Iloiloga Auiliili i le Fuaiupu 2.

FUAIUPU 2: Ua teuteuina le Fuaiupu 22.

Faamaonia.

24 IANUARI 2014

**Tulafono Tau Faaofi o Teuteuga o le Faletupe Tutotonu o Samoa 2014
– faitauga faatolu**

FUAIUPU 1 MA LE IGOA:

FUAIUPU 1: Igoa puupuu ma le amataga.

IGOA: Teuteuga o le Tulafono o le Faletupe Tutotonu o Samoa 2014.

Faamaonia.

Na faagasolo le Tulafono Tau Faaofi o Teuteuga o le Tulafono o le Faletupe Tutotonu o Samoa 2014 e aunoa ma se Teuteuga.

**TULAFONO TAU FAAOFI O TEUTEUGA O LE FALETUPE
TUTOTONU O SAMOA 2014 – faitauga faatolu**

FOFOGA FETALAI: Talu ai ua ou taulimaina le Tusi Faamaonia o le Tulaga Faanatinati ua maea ona sainia e Lana Afioga Mamalu O Le Ao o le Malo, o lea o le a sagai atu loa le Fono Aoao i lona faitauga faatolu.

Tulai mai lau Afioga i le Minisita o Tupe.

Afioga Hon FAUMUINA TIATIA FAAOLATANE LIUGA: Lau Afioga i le Fofoga Fetalai ou te faatu le lafo, *Ina ia faitauina nei le Tulafono Tau Faaofi o Teuteuga o le Tulafono o le Faletupe Tutotonu o Samoa 2014 i lona faitauga faatolu.*

Faaluaina e le Minisita mo Fesootaiga ma Faamatalaga Tekonolosi ma le Minisita mo Tina ma Tamaitai, Atinae o Nuu ma Afioga ma Agafesootai.

Na faamaonia le lafo ma faitauina le Tulafono Tau Faaofi i lona faitauga faatolu ma faapea ona pasia le Fono Aoao Faitulafono.

**TULAFONO TAU FAAOFI O LE FAAMASINOGA MO MATAUPU
FAATATAU I AIGA 2013 – faitauga muamua**

FOFOGA FETALAI: Tulai mai lau Afioga i le Minisita mo Faamasinoga ma Pulega Tau Faamasinoga.

Afioga Hon FIAME NAOMI MATAAFA (Minisita mo Faamasinoga ma Pulega Tau Faamasinoga): Lau Afioga i le Fofoga Fetalai ou te faatu le lafo, *Ina ia faitauina nei le Tulafono Tau Faaofi o Faamasinoga o Mataupu Faatatau i Aiga 2013 i lona faitauga muamua.*

24 IANUARI 2014

**Tulafono Tau Faaofi o Teuteuga o le Tulafono o le Faalapotopotoga
Faavae Tau Fatugao a Samoa 2013 – faitauga muamua**

Faaluaina e le Sui Palemia, Minisita o Tupe ma le Minisita mo Tina ma Tamaitai, Atinae o Nuu ma Afioga ma Agafesootai.

Na faamaonia le lafo ma faitauina le Tulafono Tau Faaofi i lona faitauga muamua.

FOFOGA FETALAI: E tusa ai ma le Tulafono Tumau o le a faatulaga le Tulafono Tau Faaofi leni mo lona faitauga faalua i le aso Fono lona tolu e mulimuli mai.

**TULAFONO TAU FAAOFI O TEUTEUGA O LE TULAFONO O LE
FAALAPOTOPOTOGA FAAVAE TAU FATUGAO A SAMOA 2013
– faitauga muamua**

FOFOGA FETALAI: Tulai mai lau Afioga i le Minisita mo le Soifua Maloloina.

Afioga Hon TUITAMA TALALELEI TUITAMA (Minisita mo le Soifua Maloloina): Lau Afioga i le Fofoga Fetalai ou te faatu le lafo, *Ina ia faitauina nei le Tulafono Tau Faaofi o Teuteuga o le Tulafono o Faalapotopotoga Faavae Tau Fatugao a Samoa 2013 i lona faitauga muamua.*

Faaluaina e le Sui Palemia, Minisita o Tupe, Minisita mo Tina ma Tamaitai, Atinae o Nuu ma Afioga ma Agafesootai ma le Minisita mo Faatoaga ma Faigafaiva.

Na faamaonia le lafo ma faitauina le Tulafono Tau Faaofi i lona faitauga muamua.

FOFOGA FETALAI: E tusa ai ma le Tulafono Tumau, o le a faatulaga le Tulafono Tau Faaofi leni mo lona faitauga faalua i le Aso Fono lona tolu e mulimuli mai.

**TULAFONO TAU FAAOFI O TEUTEUGA O LE TULAFONO O
FEFAATAUAIGA TALAFEAGAI 2013 – faitauga muamua**

FOFOGA FETALAI: Tulai mai lau Afioga i le Minisita mo Pisinisi, Alamanuia ma Leipa, Afioga i le Sui Palemia.

24 IANUARI 2014

**Tulafono Tau Faaofi o Teuteuga o le Tulafono o Fefaatauaiga
Talafeagai 2013 – faitauga muamua**

Tofa Hon FONOTOE NUFESILI PIERRE LAUOFO (Sui Palemia, Minisita mo Pisinisi, Alamanuia ma Leipa): Lau Afioga i le Fofoga Fetalai ou te faatu le lafo, *Ina ia faitauina nei le Tulafono Tau Faaofi o Teuteuga o le Tulafono o Fefaatauaiga Talafeagai 2013 i lona faitauga muamua.*

Faaluaina e le Minisita o Tupe ma le Minisita mo Tina ma Tamaitai, Atinae o Nuu ma Afioga ma Agafesootai.

Na faamaonia le lafo ma faitauina le Tulafono Tau Faaofi i lona faitauga muamua.

FOFOGA FETALAI: E tusa ai ma le Tulafono Tumau, o le a faatulaga le Tulafono Tau Faaofi i lona faitauga faalua i le Aso Fono lona tolu e mulimuli mai.

**TULAFONO TAU FAAOFI O TAGATA TOMAI TAU PALAMA
2013 – faitauga muamua**

FOFOGA FETALAI: Tulai mai lau Afioga i le Minisita mo Galuega, Felauaiga ma Atinae Eeseese.

Afioga Hon MANUALESAGALALA ENOKATI POSALA (Minisita mo Galuega, Felauaiga ma Atinae Eeseese): Lau Afioga i le Fofoga Fetalai ou te faatu le lafo, *Ina ia faitauina nei le Tulafono Tau Faaofi o Tagata Tomai Tau Palama 2013 i lona faitauga muamua.*

Faaluaina e le Minisita mo Leoleo ma Falepuipui ma le Minisita mo Punaoa Faanatura ma le Siosiomaga.

Na faamaonia le lafo ma faitauina le Tulafono Tau Faaofi i lona faitauga muamua.

FOFOGA FETALAI: E tusa ai ma le Tulafono Tumau o le a faatulaga le Tulafono Tau Faaofi leni i lona faitauga faalua i le Aso Fono lona tolu e mulimuli mai.

**TULAFONO TAU FAAOFI O TEUTEUGA O LE TULAFONO O LE
FAALAPOTOPOTOGA O SUESUEGA FAASAIENISI A SAMOA 2014
– faitauga muamua**

FOFOGA FETALAI: Tulai mai lau Afioga i le Minisita mo Punaoa Faanatura ma le Siosiomaga.

24 IANUARI 2014

Tulafono Tau Faaofi o Teuteuga o le Tulafono o le Faalapotopotoga o Suesuega Faasaienisi a Samoa 2014 – faitauga muamua

Tofa Hon FAAMOETAU LOA LEALAI AULOTO ULAITINO FAALE TUMAALII (Minisita mo Punaoa Faanatura ma le Siosiomaga): Lau Afioga i le Fofoga Fetalai ou te faatu le lafo, *Ina ia faitauina nei le Tulafono Tau Faaofi o Teuteuga o le Tulafono o le Faalapotopotoga o Suesuega Faasaienisi 2014 i lona faitauga muamua.*

Faaluaina e le Minisita mo Leoleo ma Falepuipui, Minisita mo Galuega, Felauaiga ma Atinae Eseeese ma le Minisita mo Faatoaga ma Faigafaiva.

Na faamaonia le lafo ma faitauina le Tulafono Tau Faaofi i lona faitauga muamua.

FOFOGA FETALAI: E tusa ai ma le Tulafono Tumau o le a faatulaga le Tulafono Tau Faaofi leni i lona faitauga faalua i le Aso Fono lona tolu e mulimuli mai.

TULAFONO TAU FAAOFI O FUAINUMERA FAAMAUINA 2014 – faitauga muamua

FOFOGA FETALAI: Tulai mai lau Afioga i le Palemia.

Susuga Hon TUILA EPA FATIALOFA LUPESOLIAI AIONO NEIOTI SAILELE MALIELEGAOI: Lau Afioga i le Fofoga Fetalai ou te tulai atu e faatu le lafo, *Ina ia faitauina nei le Tulafono Tau Faaofi o Fuainumera Faamauina 2014 i lona faitauga muamua.*

Faaluaina e le Sui Palemia, Minisita o Tupe ma le Minisita mo Tina ma Tamaitai, Atinae o Nuu ma Afioga ma Agafesootai.

Na faamaonia le lafo ma faitauina le Tulafono Tau Faaofi i lona faitauga muamua.

FOFOGA FETALAI: E tusa ai ma le Tulafono Tumau o le a faatulaga le Tulafono Tau Faaofi leni i lona faitauga faalua i le Aso Fono lona tolu e mulimuli mai.

TULAFONO TAU FAAOFI O LE FASIMATEINA O MANU MA LE FAASOA ATU O AANO O MANUFASI 2014 – faitauga muamua

FOFOGA FETALAI: Tulai mai lau Afioga i le Minisita mo Faatoaga ma Fagafaiva.

24 IANUARI 2014

**Tulafono Tau Faaofi o le Fasimateina o Manu ma le Faasoaa Atu o Aano
o Manufasi 2014 – faitauga muamua**

Afioga Hon LE MAMEA ROPATI (Minisita mo Faatoaga ma Faigafaiva): Lau Afioga i le Fofoga a Fetalai ma le faaaloalo lava ou te tulai atu ai e faatu le lafo, *Ina ia faitauina nei le Tulafono Tau Faaofi o le Fasimateina o Manu ma le Faasoaa Atu o Aano o Manufasi 2014 i lona faitauga muamua.*

Faaluaina e le Minisita mo Fesootaiga ma Faamatalaga Tekonolosi ma le Minisita o Tupe.

Na faamaonia le lafo ma faitauina le Tulafono Tau Faaofi i lona faitauga muamua.

FOFOGA FETALAI: E tusa ai ma le Tulafono Tumau o le a faatulaga le Tulafono Tau Faaofi leni i lona faitauga faalua i le Aso Fono lona tolu e mulimuli mai.

**TULAFONO TAU FAAOFI O FAIGA ALOAIA E TOTOGI AI TUPE
A LE ATUNUU 2013 – iloiloga auiliili**

FOFOGA FETALAI: E tusa ai ma le Tulafono Tumau 106 e tataua ona faamaonia muamua e le Fono Aoa le Lipoti a le Komiti o Tulafono Tau Faaofi ona avanoa ai lea o le Iloiloga Auiliili o le Tulafono Tau Faaofi leni.

Tulai mai lau Afioga i le Taitaifono o le Komiti o Tupe Maua ma Tupe Totogi.

Susuga Hon PAPALIITELE NIKO LEE HANG (Taitaifono, Komiti o Tupe Maua ma Tupe Totogi): Faafetai atu i lau Afioga i le Fofoga Fetalai mo le avanoa. I le ava tele ou te fia talosagaina lau Afioga pe maua se avanoa ae ou te lei faatuina le lafo e fai atu ai sina faamatalaga i le tulaga lea na tulai mai ananafi ona sa aafia ai au.

FOFOGA FETALAI: Ia, o le a se mataupu lau Afioga i le Taitaifono o le Komiti o Tupe Maua ma Tupe Totogi? O lea ua mavae le atuvasa i le aso ananafi ma e i ai foi le talitonuga ua maea lea taimi, ae ona o le tatou galuega o loo faasolo ma faatino, e i ai le agaga ma le faamoemoe e le mafai ona laaloa le Fofoga Fetalai e tusa ai ma le polokalame ua faataatia. O lea e talosaga atu ai ma le faaaloalo ina ia tausisia a tatou galuega o loo fia faaauau ina ne i te i ane ua solomuli a tatou galuega, a o lea ua tatou faagasolo e tusa ai ma tulaga o a tatou galuega fuafuaina mo leni aso.

Silasila foi i le mafiafia o le tatou cue paper o lea e tau faasolo, ina ne i meaane ua toe faasolo i tua le tatou galuega ona faitauina lea o le taumafai atu o le Fofoga Fetalai.

24 IANUARI 2014

Tulafono Tau Faaofi o Faiga Aloaia e Totogi ai Tupe a le Atunuu 2013
– iloiloga auilili

Susuga Hon PAPALIITELE NIKO LEE HANG: Lau Afioga i le Fofoga Fetalai e puupuu lava.

FOFOGA FETALAI: Ia, sei faapuupuu mai la lau Afioga i le Taitaifono o le Komiti o Tupe Maua ma Tupe Totogi.

Susuga Hon PAPALIITELE NIKO LEE HANG: Lau Afioga i le Fofoga Fetalai ona o le tulaga lea i le taeao nei ua sau i le nusipepa o le Newslina le tulaga lea na tuuaia ai au i le faatinoina o ou tiute a o ou Minisita. E le faigofie la i lou nei tagata lenei tuuaiga faapea, ae pau lava le mea sa ou taumafai atu ai ananafi o le tulaga ina ia faasao ai mea ia ona e le o uia ala o Tulafono. O lea la na fesiligia ai le Lipoti lea a le SLC aua o mea ia na fai e le Minisita lea na tuuaia au ananafi e faapea e lei faia ou tiute, a o lea e atagia i le Lipoti lea na tuuina mai i le Palemene, e le o faatinoina ona tiute. Na o le pau lava lea lau Afioga ona o lea ua faaleagaina mai au i nusipepa.

Lau Afioga i le Fofoga Fetalai ou te faatu le lafo, *Ina ia faautagia e lenei Fono Aoa le Lipoti a le Komiti o lo o fautuaina ai ina ia faagasolo le Tulafono Tau Faaofi o Faiga Aloaia e Totogi ai Tupe a le Atunuu 2013 faatasi ai ma le Faasaoga.*

Ma le faaaloalo lava.

Faaluaina e le sui usufono mo Aleipata Itupa i Luga.

FOFOGA FETALAI: A o lei tuu atu le Fesili, o le a tuu atu pea le avanoa i le Palemia.

Susuga Hon TUILAEPFA FATIALOFA LUPESOLIAI AIONO NEIOTI SAILELE MALIELEGAOI: Lau Afioga i le Fofoga Fetalai, leaga ua e tuu avanoa i le Taitaifono, ae manatua foi i totonu o le Maota leni e i ai le aiatatau a sui usufono e faaalua ai o latou taofi e aunoa ma le fefe i le tulaga e molia ai. Afai lava la e faasalalau e se pepa i fafo, e avanoa pea lava la le sui usufono ia i le pepa. A o totonu ia o le Palemene, e i ai le aiatatau a le sui usufono e sausaunoa saoloto ai e aunoa ma le taofia.

Afioga Hon Palusalua Faapo II: Lau Afioga i le Fofoga Fetalai, ou te faafetai lava i le....

FOFOGA FETALAI: Lau Afioga i le Taitai o le Itu Agai, e le talia e le Fofoga Fetalai. Alaala i lalo faamolemole. O le ala lea o lou mau iumaea i le mataupu leni. O lea lava na ou taumafai atu ona o le faataatiaina o a tatou galuega e pei o tulaga masani, ae ava tele atu ona o tulaga o le tatou faamoemoe.

24 IANUARI 2014

**Tulafono Tau Faaofi o Faiga Aloaia e Totogi ai Tupe a le Atunuu 2013
– iloiloga auiliili**

Silasila foi, e fai foi o lena a o lenei. E le na o outou o aafia i mea nei i tuuaiga a nusipepa. E oo foi ia te au o le Fofoga Fetalai, o lea lava e folofolomalu ma olo le fua, ae tatou onosai. O le ala lea na ou taumafai atu ai ae lei tuu atua le avanoa. Ia outou onosai ma o le aso fou lenei, e fou mea uma o le tatou galuega. O a fatia ua sola ma aso ua alu i le aso ananafi, ia faatea i nuu le aina aua ua mavae le atuvasa, aua nei goto le la o ita pea. O taualumaga o le tatou galuega, o lea ua tatou laa i le aso fou, ia tatou aumaia le aso fou tatou te salani ai lenei aso ma le faamoemoe. O le agaga lea ma le faaaloalo. O lea foi ua uma upu ma tala o le aso ananafi, ia faatea lea pisa mo le nuu o lea ua manino ma malamalama e le o se isi itu, a o le taumafai lava ia apo le maealalo ma ia tatou tutu faatasi ma malamalama.

FOFOGA FETALAI: Ou te faasilasila atu ua faamaonia nei e le Fono Aoa le Lipoti a le Komiti o Tupe Maua ma Tupe Totogi i le Tulafono Tau Faaofi o Faiga Aloaia e Totogi ai Tupe a le Atunuu 2013.

O le a sagai atu loa le Fono Aoa i le iloiloga auiliili o le Tulafono Tau Faaofi o Faiga Aloaia e Totogi ai Tupe a le Atunuu 2013.

E tusa ai ma Tulafono Tumau 102, e amata le iloiloga auiliili o le Tulafono Tau Faaofi i le Fuaiupu 2.

FUAIUPU 2: Faamatalaina o uiga o upu.

Faamaonia.

FUAIUPU 3: Faaaogaina.

Faamaonia.

FUAIUPU 4: Malosiaga lautele.

Faamaonia.

FUAIUPU 5: Matafaioi tau faatinoga a le Faletupe Tutotonu.

Faamaonia.

24 IANUARI 2014

**Tulafono Tau Faaofi o Faiga Aloaia e Totogi ai Tupe a le Atunuu 2013
– iloiloga auilili**

FUAIUPU 6: Galulue faatasi ma isi pulega.

Faamaonia.

FUAIUPU 7: Komiti o Faiga Aloaia e Totogi ai Tupe a le Atunuu.

Faamaonia.

FUAIUPU 8: Tulaga faasaina.

Faamaonia.

FUAIUPU 9: Malosiaga e tuuina atu ai se laisene.

Faamaonia.

FUAIUPU 10: Talosagaina mo laisene.

Faamaonia.

FUAIUPU 11: O le Faamauina ae le o le laisene.

Faamaonia.

FUAIUPU 12: Laisene e le mafai ona faaliliuina atu.

Faamaonia.

FUAIUPU 13: Faafouga o laisene.

Faamaonia.
24 IANUARI 2014

**Tulafono Tau Faaofi o Faiga Aloaia e Totogi ai Tupe a le Atunuu 2013
– iloiloga auilili**

FUAIUPU 14: Tuutuuga o laisene.

Faamaonia.

FUAIUPU 15: Aia tatau e fofogaina ai.

Faamaonia.

FUAIUPU 16: Tulaga faataatitia, taiala faavae ma faatonuga.

Faamaonia.

FUAIUPU 17: Malosiaga e ulufale ai ma asiasia.

Faamaonia.

FUAIUPU 18: Tulafono faafoe o faiga aloaia e totogi ai tupe.

Faamaonia.

FUAIUPU 19: Avanoa i faiga aloaia e totogi ai tupe.

Faamaonia.

FUAIUPU 20: Tatalaina i tua o galuega.

Faamaonia.

FUAIUPU 21: Sooupu.

Faamaonia.
24 IANUARI 2014

**Tulafono Tau Faaofi o Faiga Aloaia e Totogi ai Tupe a le Atunuu 2013
– iloiloga auilili**

FUAIUPU 22: Noataga mo gaoioiga a sooupu, tagata faigaluega, ma isi.

Faamaonia.

FUAIUPU 23: Tulafono e tetee atu ai i tupe e faaofi mai faasolitulafono po ole faatupeina o faiga faaterorisi.

Faamaonia.

FUAIUPU 24: Puipuiga o faamaumauga.

Faamaonia.

FUAIUPU 25: Avanoa i faamatalaga ma le faailoaina atu.

Faamaonia.

FUAIUPU 26: Totogifuapauina ma tau faaee atu.

Faamaonia.

FUAIUPU 27: Totogiina o tupe i teugatupe.

Faamaonia.

FUAIUPU 28: Tulaga o tupe faaii.

Faamaonia.

24 IANUARI 2014

**Tulafono Tau Faaofi o Faiga Aloaia e Totogi ai Tupe a le Atunuu 2013
– iloiloga auilili**

FUAIUPU 29: Aseta faamau mo tupe totogi ma noataga o le totogiina o tupe.

Faamaonia.

FUAIUPU 30: Ia logoina le Faletupe Tutotonu e uiga i le faamaapeina.

Faamaonia.

FUAIUPU 31: Faatapulaaina.

Faamaonia.

FUAIUPU 32: Faamaapeina po ole faafoeina o vaega auai ina ia lē aafia ai tulaga faaiu o tupe totogi.

Faamaonia.

FUAIUPU 33: Tulafono faafoe a le Faletupe Tutotonu ma faiga aloaia ua laiseneina e totogi ai tupe e noatia ai tagata e faamaapeina.

Faamaonia.

FUAIUPU 34: Faasoina o aia tatau.

Faamaonia.

FUAIUPU 35: Aia feteenai o tulafono.

Faamaonia.

24 IANUARI 2014

**Tulafono Tau Faaofi o Faiga Aloaia e Totogi ai Tupe a le Atunuu 2013
– iloiloga auilili**

FUAIUPU36: Pueina o ata o siaki tupe ma le tauaaoina o ata aloaia o siaki faaeletoroni.

Faamaonia.

FUAIUPU 37: Malosiaga o le Faletupe Tutotonu.

Faamaonia.

FUAIUPU 38: Ia logoina tagata e faaaogāina le auaunaga e uiga i totogifuapauina.

Faamaonia.

FUAIUPU 39: Tuutuuga o le faaliliuina atu o tupe.

Faamaonia.

FUAIUPU 40: Tuuina atu o tupe faaeletoroni.

Faamaonia.

FUAIUPU 41: Faasalaga tau le faafoega.

Faamaonia.

FUAIUPU 42: Soligatulafono.

Faamaonia.

24 IANUARI 2014

**Tulafono Tau Faaofi o Faiga Aloaia e Totogi ai Tupe a le Atunuu 2013
– iloiloga auilili**

FUAIUPU 43: Foia o feeseeseaiga.

Faamaonia.

FUAIUPU 44: Tuusaunoaga mai noataga.

Faamaonia.

FUAIUPU 45: Tulafono faatonutonu ma faatonuga.

Faamaonia.

FUAIUPU 46: Aiaiga faasaoina ma aiaiga tau soloaiga.

Faamaonia.

FUAIUPU 1 MA LE IGOA:

FUAIUPU 1: Igoa puupuu ma le igoa.

IGOA: Tulafono o Faiga Aloaia e Totogi ai Tupe Tupe a le Atunuu 2013.

FOFOGA FETALAI: O lo o i ai le Faasaoga i le Fuaiupu 1 ma le Igoa e pei ona faaalai i le Pepa Faaopopo o Galuega.

Tulai mai lau Afioga i le Taitaifono.

Susuga Hon PAPALIITELE NIKO LEE HANG: Lau Afioga i le Fofoga Fetalai ou te faatu le Faasaoga i le Fuaiupu 1 ma le Igoa e faapea:-

“FAASAOGA:

Ia aveese le fuainumera “2013” ma suia i le fuainumera “2014” ma faitauina ai le Tulafono e faapea:-

TULAFONO O FAIGA ALOAIA E TOTOGI AI TUPE A LE ATUNUU 2014”.

Faamaonia le Faasaoga.

Faamaonia le Fuaiupu 1 ma le Igoa e pei ona Faasaoina.

Na faagasolo le Tulafono Tau Faaofi o Faiga Aloaia e Totogi ai Tupe a le Atunuu 2014 faatasi ma Faasaoga.

24 IANUARI 2014

**TULAFONO TAU FAAOFI O APERENITISI
2013 – iloiloga auiliili**

FOFOGA FETALAI: E tusa ai ma le Tulafono Tumau 106, e tatau ona faamaonia muamua e le Fono Aoa le Lipoti a le Komiti i le Tulafono Tau Faaofi ona avanoa ai lea o le Iloiloga Auiliili o le Tulafono Tau Faaofi.

Tulai mai lau Afioga i le Taitaifono o le Komiti o Galuega, Felauaiga ma Siosiomaga.

**LAFO MO LE FAATAATIAESE O LE LIPOTI
A LE KOMITI**

Tofa TUSA MISI TUPUOLA (Taitaifono o le Komiti o Galuega, Felauaiga ma Siosiomaga): Lau Afioga i le Fofoga Fetalai ou te faatu le lafo, *Ina ia toe faataatia ese le iloilo ina auiliili o le Tulafono Tau Faaofi o Aperenitisi 2013 faatasi ma le Lipoti a le Komiti o Galuega, Felauaiga ma Siosiomaga i le Tulafono Tau Faaofi ua taua i luga, ona o lea faatoa taunuu mai nai Teuteuga o le Tulafono Tau Faaofi mai le Ofisa o le Loia Sili, ae moomia le toe silasila pea i ai o le Komiti mo lona faamaoniaina.*

Ma le faaaloalo tele.

Afioga Hon PALUSALUE FAAPO II: Lau Afioga i le Fofoga Fetalai o le mea e fia malamalama e tusa ai o le Teuteuga lea o le lafo.

FOFOGA FETALAI: E leai se faatagana o se felafolafoaiga o le....

Afioga Hon PALUSALUE FAAPO II: Leai na o sau fesili lava pe mafua aisea?

FOFOGA FETALAI: E leai foi se fesili e faatagaina le Taitai o le Itu Agai?

Afioga Hon PALUSALUE FAAPO II: Ia leaga o lea o le a teuteu le Tulafono a o lea ua aumai i le Maota.

FOFOGA FETALAI: E le o le taimi leni e faatulaga mai ai le mea lea, o lea ua aumai le Lipoti a le Komiti. Se paga foi oe.

Faaluaina e se tasi o sui usufono mo le Au Palota Taitoatasi, Afioga Maualaivao Pat Ah Him, sui usufono mo Faasaleleaga Nu. 4, sui usufono mo Sagaga le Usoga ma le sui usufono mo Palauli.

Na faamaonia le lafo ma tulai ai le Lipoti a le Komiti o Galuega, Felauaiga ma Siosiomaga i le Tulafono Tau Faaofi o Aperenitisi 2013 ua faau i tua.

24 IANUARI 2014

**TULAFONO TAU FAAOFI O LE KOMISI O LE GAGANA SAMOA
2012 – iloiloga auiliili**

FOFOGA FETALAI: E tusa ai ma le Tulafono Tumau 106, e tatau ona faamaonia muamua e le Fono Aoa le Lipoti a le Komiti i le Tulafono Tau Faaofi ona avanoa ai lea o le Iloiloga Auiliili o le Tulafono Tau Faaofi.

Tulai mai lau Afoga i le Taitaifono o le Komiti o Mataupu tau Aoga, Saienisi, Fesootaiga ma Faamatalaga Tekonolosi.

Tofa LENATAI VICTOR FAAFOI TAMAPUA (Taitaifono o le Komiti o Mataupu tau Aoga, Saienisi, Fesootaiga ma Faamatalaga Tekonolosi): Lau Afoga i le Fofoga Fetalai ou te faatu le lafo, *Ina ia faamaonia e lenei Fono Aoa le Lipoti a le Komiti o lo o fautuaina ai, Ina ia faagasolo le Tulafono Tau Faaofi o le Komisi o le Gagana Samoa 2012 faatasi ma le Faasaoga ma Teuteuga.*

Faaluaina e le sui usufono mo Palauli, sui usufono mo Aiga i le Tai ma le sui usufono mo Vaisigano Nu.1.

Na faamaonia le lafo.

FOFOGA FETALAI: E faasilasila atu ua faamaonia nei e le Fono Aoa le Lipoti a le Komiti o Mataupu tau Aoga, Saienisi, Fesootaiga ma Faamatalaga Tekonolosi i le Tulafono Tau Faaofi o le Komisi o le Gagana Samoa 2012.

O le a sagai atu le Fono Aoa i le Iloiloga Auiliili o le Tulafono Tau Faaofi o le Komisi o le Gagana Samoa 2012.

E tusa ai ma le Tulafono Tumau 102, e amata le Iloiloga Auiliili o le Tulafono Tau Faaofi i le Fuaiupu 2.

FUAIUPU 2: Faamatalaina o uiga o upu.

Faamaonia.

FUAIUPU 3: O le Tulafono e noatia ai le Malo.

Faamaonia.

FUAIUPU 4: Sini.

Faamaonia.

24 IANUARI 2014

**Tulafono Tau Faaofi o le Komisi o le Gagana
Samoa 2012 – iloiloga auiliili**

FUAIUPU 5: Ia avea le gagana Samoa ma gagana aloaia.

Tofa LEALAILEPULE RIMONI AIAFI: Lau Afioga....

FOFOGA FETALAI: Tulai mai lau Afioga i le sui usufono mo Faleata Sisifo.

Tofa LEALAILEPULE RIMONI AIAFI: Faafetai. E fia fesili lau Afioga i le vaega 5 i mea ia o Faamaumauga ma Fesootaiga, Communication, lea ua....o le faamalamalama a lau Afioga i le Taitaifono, po o le a tonu le faasaoga o lea mea, aua o le taimi nei o lea e aumai tatou Lipoti i le Palemene i gagana e lua. A o fesootaiga la ia i le va ma Matagaluega a le Malo, pe o le a faapea foi la ona fai o le a alu i le gagana Samoa ma faamalasia, pe faaauau pea i le tulaga o i ai, aua o lea tatou te iloa uma lava le tulaga lea le faigata o lo o i ai ia faafaigofie? Ae o le mea la lea o lea e fia fesili ai aua o lea foi e aumai le Lipoti, ia sa faapea e amata ai i i ona faaoga le a, e ma le i, ia a o lea e sau lava o lea e a, b, c? O le a se faamalamalama a lau Afioga i le Taitaifono i lea vaega? Ma le faaaloalo lava.

FOFOGA FETALAI: Tulai mai lau Afioga i le Taitaifono.

Tofa LENATAI VICTOR FAAFOI TAMAPUA: Ia malo faafetai e tusa ai foi ma le faafesili. O le vaega lea pei ona e fesiligia o lea e faapea e faaoga le a, e, i i totonu o tatou Tulafono, ia e faigata, ona sa fesiligia foi le Ofisa o le Loia Sili i le vaega lea, ona o latou faamaumauga lea e i ai e faaoga lava le faa-Peretania le a, b, ia ma faasolo ai foi laia. O le a gata ai i ina sau faamatalaga i le vaega lea. A o le vaega lea ua e fesiligia, o lea e manino lava i le vaega lea o le Samoan Language and Official Language, e le o faapea mai, the Official Language. O lea la e mafai ai ona faaoga pea gagana e lua i le taimi lena. Ma le faaaloalo lava.

Tofa LEALAILEPULE RIMONI AIAFI: Lau Afioga i le Fofoga Fetalai....

FOFOGA FETALAI: Ia toe tulai mai le sui usufono mamalu.

Tofa LEALAILEPULE RIMONI AIAFI: Ia sa i ai le manatu e faamalamalama pea e le Afioga i le Taitaifono mafuaaga e lelei ona faaoga pea le a, b ma le c. Aua o lea ua aumai i le Tulafono manino ina ia avea le gagana Samoa ma gagana aloaia. A o lea foi la e fesili atu ai o lea e fai mai, e faaoga pea le gagana aloaia ma le gagana Samoa. Po o fea la le gagana aloaia, o le gagana Samoa po o le gagana Peretania? Sa ou faapea o lea o le a gagana Samoa le gagana aloaia. Ma le faaaloalo lava.

24 IANUARI 2014

**Tulafono Tau Faaofi o le Komisi o le Gagana
Samoa 2012 – iloiloga auiliili**

FOFOGA FETALAI: Ia o le a tuu atu le avanoa i le Minisita, e manatu o lea e afio le Afioga i le Minisita e ana ia le Tulafono ma le Matagaluega. Tulai mai lau Afioga i le Minisita mo Aoga, Taaloga ma Aganuu.

Afioga Hon **MAGELE MAULIU** (Minisita mo Aoga, Taaloga ma Aganuu): Faafetai i le Fofoga Fetalai, e pasia loa le Tulafono leni o le official language o le Samoa, a o le fesootaiga lava ia i Matagaluega pei lava o le taimi leni, o lea lava e faaogaina gagana e lua. A ou tusi foi au i le Matagaluega ia e alu lava i le faa-Samoa, e tusi mai le Matagaluega e faa-Peretania, ia a o le mea lea e i i o le official language lava ia ina ia faamautu ia aua ne i i ai se isi e toe suia, faafetai.

FOFOGA FETALAI: Malo ua malamalama. Tulai mai le Afioga i le Palemia.

Susuga Hon **TUILAEPA FATIALOFA LUPESOLIAI AIONO NEIOTI SAILELE MALIELEGAOI:** Lau Afioga i le Fofoga Fetalai, e toe faaopoopo atu i le faamalamalama. O lea faatoa pasia lea o se Tulafono e limataitaiina ai le faaogaina o le Gagana Samoa, talu ona faatu mai le tatou Malo Tutoatasi, o lea faatoa faatu lava lea o se Tulafono, ua tuu uma i ai i totonu i i le malosi i le faaogaina ma le aoaoina o le Gagana Samoa. O le talafaasolopito o le Tulafono leni, i le agai atu o tatou tagata i fao atu o Samoa i Niu Sila, Ausetalia, faapea foi ma Amerika, ma ua avea ai le Gagana Samoa ma Gagana e aoao i totonu o aoga ma Iunivesite i totonu o atunuu nei, o lea ua tupu ae ai se manatu, o fea ea le sao, o fea e tataua ona alu atu ai le malosi e faatonutonuina le Gagana Samoa? O le ala lena o lea na tulai mai ai loa le anoano o fonotaga, fonotaga a i latou e taua o Lauia o le Gagana Samoa i le aoaoina i Niu Sila, Ausetalia, Amerika Samoa, Hawaii, faapea foi ma le Malo o Amerika. Ua aoaoina uma ai lava le Gagana Samoa, a o le mea lea e saili, o fea tonu le sao? Sa usuia ai fono sa usu i Amerika Samoa usu i Samoa nei, usu foi i totonu o Ausetalia, usu i Amerika, usu i Niu Sila.

E tele lava le mau manatu na tulai ane ai ina ia faatu se Komisi o le Gagana Samoa. Na fai mai isi e faatu i Amerika Samoa pe faatu i Hawaii ona e tele tupe a Amerika e mafai ai ona faatupe a latou fonotaga. O na foi fonotaga o ni tafaoga e omai ai faiaoga mai Niu Sila e sau lava mai le itu i saute e tau i le itu i matu, ma o tafafao i Amerika Samoa o atu tafafao i Hawaii ma talanoa ai i le mea leni. Masalo pe ua ova nei ma le 20 tausaga. E i ai la le taimi na...e faalua ea pe faatolu ona usu mai i Samoa le fono, ona valaau mai lea ou te alu atu e fai sina tautalaga. O i ina na ou malamalama ai i le mea lea e taumafai i ai, a o lea ua alu i se Komisi i fao atu o le Malo. A o nei fonotaga uma e le mananao e auai le Matagaluega o Aoga a Samoa. E mumusu tele e o atu le Matagaluega o Aoga ona o la e i ai le manatu faapito e papau, e lava ia latou ae aua ne i aafia fua le Malo.

24 IANUARI 2014

**Tulafono Tau Faaofi o le Komisi o le Gagana
Samoa 2012 – iloiloga auiliili**

Ua alu alu fonotaga nei, masalo o le toe fonotaga mulimuli na fai i Savaii na omai ai Niu Sila ma Ausetalia, o faiaoga mai Amerika, ona o lea fai i Savaii i Safotu. Ona valaau atu ai foi lea o au ou te alu atu. Na ou maua ai lea i ina o taga palolo mea na fai, na ona faatietie lava o le gagana Samoa, a o lea ua amata ona latou..... pe ua alu alu lava le mea ua amata loa ona malamalama ma latou talitonu e leai lava se mea e tatau ona alu atu ai le power po o le malosi faaletulafono, e tatau ona alu atu i le Malo o Samoa Tutoatasi e alu atu sao ai le gagana. O lea na iloa ai e latou, e le mafai lava ona aloaia pe a le alu atu o le Komisi ua pasia e le Malo o Samoa i Sisifo i lona Palemene, ona taualoa ai loa lea o le Komisi lenei ma faatino ai loa.

A oo loa i le gagana Samoa, e leai lava se isi mea e alu atu ai le gagana Samoa, e tatau ona alu atu i le atunuu tutoatasi o Samoa o lo o mafiafia ai le tu ma le aganuu a Samoa. O le tulaga lena, o lea la na amata ai ona faatalanoa i totonu e oo lava foi la i le faatalanoaga i totonu na aliali mai ai foi isi feteenaiga. O a feteenaiga ia, o le feteenaiga i le mafaufauga lea e i ai o le gagana Samoa o le gagana sao lava lea e faaoga i le tusiga o le Tusi Paia, e tatau ona mulimuli i ai e oo i le faaoga o le o le, ona tilotilo lea po o le a le tusiga o le o le lea e i totonu o le Tusi Paia, o lona uiga o le o le sao lava lena. E le faapea o le ole e ese le ese le o. O le manaia ia o finauga ia sa fai i totonu lava i le tau faamaoopoopoina o le Komisi lea ma le faamaoopoopoina o le Tulafono lea. Ua leva ona naunau i latou o faiaoga o le gagana i fafo sei tulai mai se Komisi, o se Komisi ua i ai le faamanuiaga a le Palemene lenei o Samoa ma e leai lava se isi atunuu, na o le tasi lava le atunuu e tatau ona alu atu ai, o le atunuu o lea e mafiafia ai le gagana Samoa, tu ma aga a le atunuu e pulea lava e ona tagata lona Malo.

Lau Afioga i le Fofoga Fetalai, o lea faatoa oo mai i totonu aua tasi lenei Tulafono maoae i le Tala Faasolopito o Samoa i lona tutoatasi ma le faaogaina o le gagana ma le tulaga e tatau ona faataoto atu ai le faatonutonuina o le tatou gagana, e alu atu i le aso agai i le lumanai.

Lau Afioga i le Fofoga Fetalai, o le toe faaopoopo atu lena o le Tala Faasolopito o le Tulafono Tau Faaofi lenei.

FOFOGA FETALAI: Malo; faafetai saunoa faamalamalama i lau Afioga i le Taitai o le Malo.

Tulai mai le sui usufono mo Faleata Sisifo.

Tofa LEALAILEPULE RIMONI AIAFI: Faafetai o lea faatoa faamalamalama lelei e le Afioga i le Palemia le Tulafono. O lea sa ou faapea o le mea ua leva ona tatau ona i ai aua o le Tulafono a Samoa e leai se isi atunuu e tatau ona alu atu ai, e tatau ona alu atu iinei, a o le mea lea e fia fesili ai aua o lea ua taua e le Afioga i le Palemia le feteenaiga lea. Aua o le mea lea na tupu mai ua pei ua ese le gagana Samoa a le Matagaluega o Aoga ese le Gagana Samoa i tua.

24 IANUARI 2014

**Tulafono Tau Faaofi o le Komisi o le Gagana
Samoa 2012 – iloiloga auiliili**

E le laitiiti foi ni tupe na faaalu i le suesuega o lea mea. Afai la o lea o le a faasao ma taumafai e tuufaatasi i le Komisi fou lea o le a i ai nei, o le tulaga lena e tatau ona i ai ona o le mea lea i le faa-Samoa fou lea ua sau nei, ua matua ese lea ituaiga faa-Samoa, ae ou te lagolagoina le tulaga lea i le tatou o pea i le Tusi Paia ia....

Susuga Hon TUILAEPFA FATIALOFA LUPESOLIAI AIONO NEIOTI SAILELE MALIELEGAOI: Lau Afioga i le Fofoga Fetalai....

FOFOGA FETALAI: O lea ua maua le finagalo o le sui usufono.
Tulai mai lau Afioga i le Palemia.

Susuga Hon TUILAEPFA FATIALOFA LUPESOLIAI AIONO NEIOTI SAILELE MALIELEGAOI: O le tulaga sao lava lena, a outou faalogo nei i le gagana lea ua sau. Sei ou tau atua le mea lea e tasi e iloa ai le tele o le suiga lea ua i ai nei. A outou silasila nei i le upu lea nafa ma le gafa, ou te le iloa po o ai na nofo ma fai mai e lua upu. E ese le nafa ese le gafa, na o le tasi lava le upu na fanau mai ma tatou, na o le gafa lava, ae ua ou te i i le tilotilo atu i nei mea e sau, a oo i le isi mea ua nafa ae a oo i le isi mea ua gafa, ae na o le tasi lava le upu. Ona o lea le mafuaaga lau Afioga, o le gagana moni lava lena a le Samoa, a talanoa e talanoa i le g, ae leai se n, e talanoa i le k, kakou o i o, na o le k, ae na omai loa Misionare faatu le Aoga a Papauta, ona vaevae ai lea e pei lava o le mea lena. Ona fanau mai ai loa lea o le t ma le n, ona nafa loa lea ma tatou o i o, ae sa kakou i o e leai ni t leai ni n sa iai. O lea na mafua ai ona faapea, oi talofa e o la foi ua tautala faa-Papauta mai aua na o Papauta sa aoao ai le gagana lea. A oo la ina sua le Katoliko ma faifeau ona faapea lea o isi, “O matou na aoao le matou gagana i le pi tautau,” ae fai mai foi le Fesoasoani, “Na ao foi matou i le matou pi tautau o le fa, fe, fi, lo, lua.

Lau Afioga i le Fofoga Fetalai, na o nai upu e faavevela ai le tatou Tulafono, a o lena ua manino.

FOFOGA FETALAI: Faafetai i lau Afioga i le Palemia mo le faamalamalamaga

FUAIUPU 6: Faavaeina.

Faamaonia.

FUAIUPU 7: Galuega tauave ma malosiaga.

Faamaonia.

24 IANUARI 2014

**Tulafono Tau Faaofi o le Komisi o le Gagana
Samoa 2012 – iloiloga auiliili**

FUAIUPU 8: Komiti faatino a le Komisi.

Faamaonia.

Tofa LEALAILEPULE RIMONI AIAFI: Lau Afioga i le Fofoga Fetalai.

FOFOGA FETALAI: Tulai mai....

Tofa LEALAILEPULE RIMONI AIAFI: Ou te fia fesili i le Vaega 8 lau Afioga, ona o lea e manino mai i le Tulafono e toaono sui o le Komisi ae faitau i lalo ane e ao i Minisita ona fesootai atu i Faalapotopotoga nei pe sefulutasi ea, o le fesili la pe aisea o le a faafesootai ai i le sefulutasi ae na o le toaono, aua e pei e foliga mai e tatau foi ona i ai ni sui o ia faalapotopotoga e le o faamanino mai foi e le Tulafono e ao lava ona i ai sui o le Matagaluega o Aoga ma le Iunivesite aoao ekalesia pe a faapea o sui mautinoa ia o le Komisi aua e tatau lava ona i ai se link e tatau lava ona fesootai pea le Komisi lea ma le Ofisa o Aoga ae o lea e le o manino mai i le Tulafono afai e...e mafai ona faamalamalama mai le vaega lea, aemaise la o nisi vaega e toatele na e i lalo ane, ma le faaaloalo lava.

FOFOGA FETALAI: Sei fai muamua le teuteuga le sui usufono mo Faleata Sisifo. Masalo a faasao loa le teuteuga lea ua uma lou atugaluga. O lo o i ai le teuteuga i le Fuaiupu 8 e pei ona faaalua i le Pepa o Galuega. Tulai mai lau Afioga i le Taitaifono.

Tofa LENATAI VICTOR FAAFOI TAMAPUA: Lau Afioga i le Fofoga Fetalai ou te faatu le Teuteuga i le Fuaiupu 8 e faapea () 1 (b)

“TEUTEUGA:

Fuaiupu 8:

(i) (1)(b):

Ina ia aveese le upu “toaono (6)” o lo o aliai mai ina ua tuana'i upu “auai e” a o lumanai ai upu “ua tofia” ma suia i le upu “toaiva” ma faitauina ai e faapea:

(b) o sui auai e toaiva e tofia e Le Ao o le Malo, i le faia i luga o le fautuaga a le Kapeneta”.

24 IANUARI 2014

Tulafono Tau Faaofi o le Komisi o le Gagana
Samoa 2012 – iloiloga auiliili

(ii) (2) & (3)

Ina ia aveese faafuaiupu (2) & (3) ma suia i faafuaiupu (2) & (3) fou e faapea:-

(2) Mo le faamoemoe o le faafuaiupu (1)(b), e ao i le Kapeneta ona amanaia:

- (a) le tulaga talafeagai o se tagata mo le tofiaina i le Komiti Faatino
- (b) o uiga faale-tagata e patino ia te ia lava; ma
- (c) le tomai ma le poto masani o le tagata i le faaaogaina o le gagana Samoa; ma
- (d) so o se isi mataupu e ona oo mai i luma o le Komiti Faatino; ma
- (e) ni manatu o le Minisita, i le tuanai ai ona feutagai o le Minisita ma i latou nei-
 - (i) se sui o le Fono Aoao a Ekalesia Soofaatasi a le Atunuu o Samoa; ma
 - (ii) se sui o le Komiti Faapitoa i Faalupega Faaleaganuu ma Tala o le Vavau; ma
 - (iii) se sui o le Fono Aoao a Tina o le Atunuu o Samoa; ma
 - (iv) se sui o le Ofisa Tutotonu mo Suesuega o le Gagana Samoa i le Iunivesite Aoao o Samoa; ma
 - (v) le Ofisa Sili o Pulega, Matagaluega o Aoga, Taaloga ma Aganuu; ma
 - (vi) le Ofisa Sili o Pulega, Matagaluega o Faamasinoga ma Pulega tau Faamasinoga; ma
 - (vii) le Failautusi o le Fono Aoao Faitulafono.

(3) O se sui auai ua tofia:

- (a) e umia le tofi mo se vaitaimi e le silia le tolu (3) tausaga; ma
- (b) e agavaa mo le toe tofiaina; ma

Tulafono Tau Faaofi o le Komisi o le Gagana
Samoa 2012 – iloiloga auiliili

- (c) afai e muta le taimi i le tofi, e faaaauau pea i le tofi, seia vagana ai ua toe tofia pe suia le sui auai tofia.”

Faamaonia Teuteuga.

Faamaonia le Fuaiupu 8 e pei ona Teuteuina.

FOFOGA FETALAI: E manatu o lea ua tatou taunuu i le tatou taimi malolo ma o le aso foi lenei e sui ai le tatou malologa ona tatou te malolo i le itula e 12.00. Ou te manatu ai ua tataua ona fai le tatou malologa masani o le taeao.

Ou te faasilasila atu o le a faataatia ese Taulumaga a le Fono Aoa mo lana malologa masani o le taeao.

Na faataatia ese Galuega a le Fono Aoa mo lana malologa masani i le itula e 10.22 i le taeao ma toe faaaauau ai i le itula e 11.03 i le taeao.

FOFOGA FETALAI: Ou te faasilasila atu ua toe amataina nei Taulumaga a le Fono Aoa Faitulafono.

E momoli atu le agaga faafetai ma le faamalo i lenei vaega o le aso. O lea ua tatou taunuu i le vaega lona lua o le tatou galuega faasolo, ma e i ai le talitonuga e maea uma le tatou lisi na tuuina mai ona o lea e le o toe tele se galuega o totoe ma le faamoemoe tatou maea tonu i le tatou taimi faatulagaina. E faia le tatou malologa o lo o faapena ona auiliili le Tulafono Tau Faaofi, ua tatou oo mai i le Fuaiupu 9.

FUAIUPU 9: Malosiaga a le Komiti Faatino.

FOFOGA FETALAI: Ia, tulai mai le sui usufono mo Faleata Sisifo.

Tofa LEALAILEPULE RIMONI AIAFI: Lau Afioga i le Fofoga Fetalai, faafetai lava i lau Afioga mo le avanoa. E fia fesiligia le malosiaga o le Komiti Faatino lea faamolemole, poo le a tonu le saoga o le vaega (b) lena e i ai, faia ni sailigatupe, poo le mea o ni fund raising poo le a tonu le saoga? Ma le mea la lea o le malosiaga e feteenai ai ma le Matagaluega o Aoga, le curriculum lea e faaoga e le Matagaluega o Aoga i le Gagana Samoa.

24 IANUARI 2014

**Tulafono Tau Faaofi o le Komisi o le Gagana
Samoa 2012 – iloiloga auiliili**

Pe i ai se latou sao i lea vaega i se fetuunaiga faapea, ina ia manino o lo o sao lava e tusa ia ma le latou Tulafono le amataina o le Gagana Samoa i le aoga mai lava i le aoga maualalo seia oo i luga.

Ma le faaaloalo lava. Faafetai.

FOFOGA FETALAI: Ia, lau Afioga i le Taitaifono poo lau Afioga i le Minisita. Tulai mai lau Afioga i le Taitaifono.

Tofa LENATAI VICTOR FAAFOI TAMAPUA: Malo faafetai i lau Afioga mo le avanoa aemaise foi le faafesili a sui usufono mamalu. O le tulaga lea i le Fuaiupu 9, o le raise finance, atonu a faatu loa le Komisi, o le a latou faatalanoaina loa le vaega lea i le faatinoga o le latou galuega ma le vaega e maua ai foi tupe e mafai ai ona fai gaoioiga e fai ai a latou galuega.

O le vaega lona lua; o le a foi le fesili lona lua faamolemole?

FOFOGA FETALAI: Ia, atonu o le a le afaina lea o lea ua malamalama le sui usufono mamalu. Na pau le mea lea na manaomia poo le a le mea e tau o le fund raising, a o lea ua manino ma malamalama le folasaga a le Taitaifono.

Faamaonia le Fuaiupu 9.

FUAIUPU 10: Fonotaga ma le Failautusi a le Komiti Faatino.

Faamaonia.

FUAIUPU 11: Mataupu o fonotaga.

Faamaonia.

FUAIUPU 12: Totogi ma alauni.

Faamaonia.

24 IANUARI 2014

Tulafono Tau Faaofi o le Komisi o le Gagana
Samoa 2012 – iloiloga auiliili

FUAIUPU 13: O le faailoaina atu o se aia feteenai.

Faamaonia.

FUAIUPU 14: Ia amanaia e le Komiti Faatino faiga faavae a le Malo.

Faamaonia.

FUAIUPU 15: Tuuina atu o malosiaga.

Faamaonia.

FUAIUPU 16: Faamavae ma le aveesea o sui auai.

Faamaonia.

FUAIUPU 17: Tofiaina ma le aveesea o le Komesina.

Faamaonia.

FUAIUPU 18: Tiute tauave o le Komesina.

Faamaonia.

FUAIUPU 19: Tofiaina ma le aveesea o le Pule Faatonu.

Tofa LEALAILEPULE RIMONI AIAFI: Lau Afioga i le Fofoga Fetalai....

FOFOGA FETALAI: O le a le Fuaiupu le sui usufono mo Faleata Sisifo?

24 IANUARI 2014

**Tulafono Tau Faaofi o le Komisi o le Gagana
Samoa 2012 – iloiloga auiliili**

Tofa LEALAI PULE RIMONI AIAFI: O le Fuaiupu 19 faamolemole. O se mea lea ou te fia maua i le Afioga i le Taitaifono leaga o lea ua tatou talanoa i le faa-Samoa, o le Pule Faatonu. Sa ou faapea o le Komisi le mea lea e faatu, ae atagia ai la faapea o le upu foi lele e faaoga nei e le Failautusi a le Komisi. Tusa o le Pule Faatonu i lou lea malamalama, e pule, toe faatonu. Lona uiga, e director. Its like an executive director. O lona uiga, e CEO toe faatonu.

O le mea la le na o lea ou te fia fesili ai, aua e tatau la ona atagia, afai lava o le Pule lava ia na o le Pule poo se Failautusi, e tatau foi ona atagia i le Tulafono Tau Faaofi. Ae afai o le mea lava lea o lea e atagia i le Tulafono Tau Faaofi ina ia pule toe faatonu le tagata, o le mea lena o lea e fia malamalama i ai lau Afioga.

FOFOGA FETALAI: Ou te manatu o le mea tonu lena. Sei tulai mai lau Afioga i le Palemia.

Susuga Hon TUILA EPA FATIALOFA LUPESOLIAI AIONO NEIOTI SAILELE MALIELEGAOI: Lau Afioga e i ai foi isi Faalapotopotoga a le tatou Malo o la e sosolo ai lava i le mea lea e tasi e pei o le Public Service Commission, e le o se mea fou o le mea tuai lava. E le gata ina Failautusi toe CEO, ae tulaga ese lava i luga le Taitaifono.

Lau Afioga o le faapupulaga lena e le o se mea fou o le mea tuai lava.

Faamaonia le Fuaiupu 19.

FUAIUPU 20: Galuega tauave a le Pule Faatonu.

Faamaonia.

FUAIUPU 21: Tofiaina o tagata ofisa ma tagata faigaluega.

Faamaonia.

FUAIUPU 22: Vaegatupe a le Komisi.

Faamaonia.

24 IANUARI 2014

Tulafono Tau Faaofi o le Komisi o le Gagana
Samoa 2012 – iloiloga auiliili

FUAIUPU 23: Faamatalaga tau tupe ma lipoti faaletausaga.

Faamaonia.

FUAIUPU 24: Puipuiga e faasaga i noataga tau le tagata.

Faamaonia.

FUAIUPU 25: Tulafono Faatonutonu.

Faamaonia.

FUAIUPU 1 MA LE IGOA:

FUAIUPU 1: Igoa puupuu ma le amataga.

IGOA: Tulafono o le Komisi o le Gagana Samoa 2012.

FOFOGA FETALAI: O lo o i ai le Faasaoga i le Fuaiupu 1 ma le Igoa e pei ona faaalua i le Pepa Faaopoopo o Galuega.

Tulai mai lau Afioga i le Taitaifono o le Komiti.

Tofa LENATAI VICTOR FAAFOI TAMAPUA: Lau Afioga i le Fofoga Fetalai ou te faatu le Faasaoga i le Fuaiupu 1 ma le Igoa e faapea:

“FAASAOGA:

“Ina ia aveese le fuainumera “2012” ma suia i le fuainumera “2014” ma faitauina ai le Fuaiupu 1 ma le Igoa e faapea:

TULAFONO O LE KOMISI O LE GAGANA SAMOA 2014”.

Faamaonia le Faasaoga.

Faamaonia le Fuaiupu 1 ma le Igoa e pei ona Faasaoina.

*Na faagasolo le Tulafono Tau Faaofi faatasi ma Faasaoga.
24 IANUARI 2014*

**TULAFONO TAU FAAOFI O TEUTEUGA O LE TULAFONO
O LE FAALAPOTOPOTOGA O LE MALOSI FAA-ELETISE 2012
– iloiloga auiliili**

FOFOGA FETALAI: E tusa ai ma Tulafono Tumau 106, e tatau ona faamaonia muamua e le Fono Aoa le Lipoti a le Komiti o Tulafono Tau Faaofi ona avanoa ai lea o le iloiloga auiliili o le Tulafono Tau Faaofi.

Tulai mai lau Afioga i le Taitaifono o le Komiti o Galuega, Felauaiga ma le Siosiomaga.

Tofa TUSA MISI TUPUOLA: Lau Afioga i le Fofoga Fetalai ou te faatu le lafo, *Ina ia faamaonia e leni Fono Aoa le Lipoti a le Komiti o lo o fautuaina ai, Ina ia faagasolo le Tulafono Tau Faaofi o Teuteuga o le Tulafono o le Faalapotopotoga o le Malosi Faa-Eletise 2012 faatasi ma le Teuteuga ma le Faasaoga.*

Faaluaina e le sui usufono mo Palauli ma le sui usufono mo Sagaga le Falefa.

FOFOGA FETALAI: Ou te faasilasila atu ua faamaonia nei le Fono Aoa le Lipoti a le Komiti o Galuega, Felauaiga ma Siosiomaga i le Tulafono Tau Faaofi o Teuteuga o le Tulafono o le Faalapotopotoga o le Malosi Faa-Eletise 2012.

O le a sagai atu loa le Fono Aoa i le iloiloga auiliili o le Tulafono Tau Faaofi o Teuteuga o le Tulafono o le Faalapotopotoga o le Malosi Faa-Eletise 2012.

E tusa ai ma le Tulafono Tumau 102, e amata le iloiloga auiliili o le Tulafono Tau Faaofi i le Fuaiupu 2.

FUAIUPU 2: Pule Sili.

FOFOGA FETALAI: O lo o i ai le Teuteuga i le Fuaiupu 2 e pei ona faaalai i le Pepa Faaopopo o Galuega.

Tulai mai le Afioga i le Taitaifono o le Komiti o Galuega, Felauaiga ma Siosiomaga.

Tofa TUSA MISI TUPUOLA: Lau Afioga i le Fofoga Fetalai ou te faatu le Teuteuga i le Fuaiupu 2 e faapea:

“TEUTEUGA:

Ia faaofi le Faafuaiupu 4 fou e faapea:

“(4) mo le faamoemoe o leni fuaiupu ma le Fuaiupu 33, o upu inisia agavaa.

24 IANUARI 2014

Tulafono Tau Faaofi o Teuteuga o le Tulafono o le Faalapotopotoga o le Malosi Faa-Eletise 2012 – iloiloga auiliili

O lona uiga o se inisia tau tomai faapitoa i galuega tau eletise ma malosiaga, ua i ai se tusi pasi aloaia tau faailoga inisia o le matata tau eletise faa-eletoroni poo afi o masini.”

Ma le faaaloalo.

Faamaonia le Teuteuga.

Faamaonia le Fuaiupu 2 e pei ona Teuteuina.

FUAIUPU 3: Aufaigaluega.

Faamaonia.

FUAIUPU 1 MA LE IGOA:

FUAIUPU 1: Igoa puupuu ma le amataga.

IGOA: Teuteuga o le Tulafono o le Malosi Faa-Eletise.

FOFOGA FETALAI: O lo o i ai le Faasaoga a le Komiti i le Fuaiupu 1 ma le Igoa e pei ona faaalua i le Pepa Faaopoopo o Galuega.

Tulai mai lau Afioga i le Taitaifono o le Komiti o Galuega, Felauaiga ma Siosiomaga.

Tofa TUSA MISI TUPUOLA: Lau Afioga i le Fofoga Fetalai ou te faatu le Faasaoga i le Fuaiupu 1 ma le Igoa o le Tulafono e faapea:

“FAASAOGA:

Ia aveese le fuainumera “2012” ma suia i le fuainumera “2014” ma faitauina ai le Igoa o le Tulafono e faapea:

“Teuteuga o le Tulafono o le Faalapotopotoga o le Malosi Faa-Eletise 2014”.

Ma le faaaloalo lava.

Faamaonia le Faasaoga.

24 IANUARI 2014

Tulafono Tau Faaofi o Teuteuga o le Tulafono o le Faalapotopotoga o le Malosi Faa-Eletise 2012 – iloiloga auiliili

Faamaonia le Fuaiupu 1 ma le Igoa e pei ona Fausaoina.

Na faagasolo le Tulafono Tau Faaofi faatasi ma Faasaoga.

TULAFONO TAU FAAOFI O TEUTEUGA O LE TULAFONO O FOMAI 2013 – faitauga faalua

FOFOGA FETALAI: Mo le silafia e lenei Palemene, o le Tulafono Tau Faaofi lenei sa faia lona faitauga muamua i le Aso Fono, 8/10/2013.

Tulai mai lau Afioga i le Minisita mo le Soifua Maloloina.

Afioga Hon TUITAMA TALALELEI TUITAMA: Lau Afioga i le Fofoga Fetalai ou te faatu le lafo, *Ina ia faitauina nei le Tulafono Tau Faaofi o Teuteuga o le Tulafono o Fomai 2013 i lona faitauga faalua ma ou te fia tautala faamalamalama i ai.*

Faaluaaina e le Minisita o Tupe ma le Minisita mo Tina ma Tamaitai, Atinae o Nu'u ma Afioga ma Agafesootai.

FOFOGA FETALAI: Tulai mai lau Afioga i le Minisita mo le Soifua Maloloina e saunoa.

Afioga Hon TUITAMA TALALELEI TUITAMA: Lau Afioga i le Fofoga Fetalai, e puupuu lava le Tulafono Tau Faaofi lenei. O le agaga o le Tulafono Tau Faaofi lenei ina ia mafai ai ona faia se tulaga e faagasolo ai i se tulaga faavavevave le resitalaina o fomai foi nei e autovaa mai fafo e fai galuega fesoasoani iinei i totonu o le tatou atunuu. O lea la e i ai le Tulafono Tau Faaofi lea ina ia agavaa ai ona faatinoina vave le tulaga lea ona e fai si umi o le tulaga o lo o i ai nei le faataamilosaga e faamalieina ai le Tulafono o lo o i ai ae ave'a ma auala e tuai ai ona faatino galuega fesoasoani o lo o omai fomai faapitoa mai fafo e faatino i le tatou atunuu.

Ia ona pau lea o se tulaga lau Afioga ma le faaaloalo lava.

FOFOGA FETALAI: Malo faafetai. Ia, sei tulai mai le sui usufono mo Faleata Sisifo.

Tofa LEALAILEPULE RIMONI AIAFI: Lau Afioga i le Fofoga Fetalai, o se manatu puupuu lava i le Tulafono Tau Faaofi lau Afioga i le Minisita. Sa ou faapea o le vaega o lo o fai ai nei o lo o faigofie ma vave ai ona oo mai aua o lea ua leva ona tatou i ai i vaitau ia o faalavelave faafuasei ma tulaga faapena. O lea sa sololelei lava le faatinoga o lea vaega.

24 IANUARI 2014

**Tulafono Tau Faaofi o Teuteuga o le Tulafono o Fomai 2013
– faitauga faalua**

Ae pei o le mea lea ua ou tilotilo atu i ai, a oo ina fai le tulaga lea, o lona uiga e faatali i le Council sei fono le Council ona faatoa avatu lea o se ioega. A o le mea lea sa i ai muamua, e pei sa i ai se approval a le Minisita e vave ai ona faatino mea nei, ona ave lea i ai o le ioega, e tolu masina, ae faapefea nisi e umi ona nonofo atu ma fia galulue pea.

O le mea lea lau Afioga i le Minisita, sei faamanino laitiiti lava le vaega lea, ona o lea ou te faapea au ia, o le faiga o lo o fai ai nei o lo o televave ona fai ma faatino ma lelei. A o lea e pei e atagia mai i le faiga fou lea, o lea e pei o le a apalai i le Council, a le maua la se ioega a le Council, ae tatau ona i ai se malosiaga i le Minisita poo le Faatonu Sili e aumaia ai faanatinati tagata nei i le taimi e fia oo mai ai e galulue.

FOFOGA FETALAI: Malo faafetai. O lea ua maua le finagalo o le sui usufono. Tulai mai le Afioga i le Minisita.

Afioga Hon TUITAMA TALALELEI TUITAMA: Lau Afioga o le vaega lea e saunoa i ai le sui usufono, o i latou nei e omai tai atoa le masina pe ono masina i le tausaga. O fomai nei e faapitoa i ai le provision lea, o i latou foi nei e omai tai vaiaso lea e i ai fomai tipitipi pei e omai faapitoa, o fomai e taoto ai o tatou gasegase, e le mafai ona faatinoina i fafo. O le faamoemoe lea e i ai nei, ona o le taugata tele o le ave o tatou gasegase nei e taoto i fafo, e oo lava i mea ia o maamaa o le auona ma maamaa o le fatugao, o lea e ave i fafo e taoto ai. O le faamoemoe la ina ia faaitiitia le seleni e alu i taotoga ia, e faatalitali latou nei, e fai se lisi o i latou nei e moomia taotoga ia, ona sau lea o le fomai faapitoa mai o pe tasi lava se vaiaso e taoto ai. Mo le faataitaiga, o le aso a taeao e toe taliu ai foi le isi team mai Ausetalia e taulamua ai foi se alo o Samoa o lo o ia faamaopoopoina i latou nei e taoto ai foi gasegase nei e sauniuni mo le faamamaina o toto, na aumai la mo le vaiaso. Ua maea foi a latou galuega i le vaiaso e tasi sa i ai i inei, e 13 gasegase sa taoto ai. Ma o ia gasegase, a faapea e faitau i le tupe e taoto ai, o le matua taugata lava, a o lea e omai i inei e fai fua i lalo o le latou galuega fesoasoani. O tulaga la faapea ia i latou nei e omai, o lea e faasino i ai ae le mo fomai foi nei e faaoga lava le process masani ia pe a sau e faigaluega mo se taimi umi faapena lau Afioga.

FOFOGA FETALAI: Malo faafetai. Ua malamalama le mataupu.

Na faamaonia le lafo ma faitauina le Tulafono Tau Faaofi o Teuteuga o le Tulafono o Fomai 2013 i lona faitauga faalua.

FOFOGA FETALAI: E tusa ai ma Tulafono Tumau o le a tuuina atu le Tulafono Tau Faaofi i le Komiti o le Soifua Maloloina, Galuega tau le Va Fealoai, Mataupu tau Lotoifale ma Atinae o Nuu ma Agafesootai mo le iloiloina ma toe lipoti mai i le Fono Aoao i se Fonotaga o lumanai.

24 IANUARI 2014

ILOILOGA O LIPOTI A KOMITI FILIFILIA

P.P.2013/2014 NU.30, LIPOTI A LE KOMITI O TUPE MAUA MA TUPE TOTOGI I LE P.P.2012/2013 NU.92, FUAUFUAGA AUTASI A LE OFISA O LE FAILAUTUSI O LE FONO AOA O FAITULAFONO MO LE 2013-2015 – ILOILOGA

FOFOGA FETALAI: Mo le silafia e le Palemene, ua maea ona faasolo le talanoaina o lenei Tulafono i le tatou Aso Fono, 9/10/2013 ma ua maea ona talanoaina e le tatou Maota Fono.

Na faamaonia le Lipoti.

FOFOGA FETALAI: E tusa ai ma Tulafono Tumau 54, e ao i le Malo ona tuuina atu i le Fono Aoa se Pepa e tali atu ai i Fautuaga na tuuina atu i le Malo mai le Lipoti a le Komiti Filifilia ia le silia le 90 aso talu ona faamaonia e le Fono Aoa le Lipoti.

P.P.2013/2014 NU.56, LIPOTI A LE KOMITI MO OFISA O LE PALEMENE I LE P.P.2012/2013 NU.13, LIPOTI A LE PULE MA SUETUSI SILI I LE FONO AOA O FAITULAFONO MO LE TAUSAGA IULAI 2009 – IUNI 2010 & P.P.2013/2014 NU.12, LIPOTI A LE PULE & SUETUSI SILI I LE FONO AOA O FAITULAFONO MO IULAI 2010 – IUNI 2011 - ILOILOGA

FOFOGA FETALAI: Tulai mai lau Afioga i le Taitaifono o le Komiti mo Ofisa o le Palemene.

Afioga MUAGUTUTAGATA FAAMAUSILI AUIMATAGI PETER AH HIM (Taitaifono, Komiti mo Ofisa o le Palemene): Faafetai i lau Afioga mo le avanoa.

Lau Afioga i le Fofoga Fetalai ou te faatu le lafo, *Ina ia faautagia e lenei Fono Aoa le Lipoti a le Komiti o lo o tuuina atu ai ana SAILIILIGA, FAUTUAGA ma IUGAFONO.*

FOFOGA FETALAI: Tulai mai le sui usufono mamalu e faitau Fautuaga ma Iugafono.

Afioga Hon Palusalua Faapo II: Lau Afioga i le Fofoga Fetalai, o sina mea e fesili ai faamolemole.

FOFOGA FETALAI: O le a le mea lea e fia fesili ai lau Afioga i le Taitai o le Itu Agai.

Afioga Hon Palusalua Faapo II: Faafetai lava mo le avanoa. Ona o le taua tele o le Lipoti lenei aemaise o le faafofogaaga a le atunuu...

24 IANUARI 2014

P.P.2013/2014 Nu.56, Lipoti a le Komiti mo Ofisa o le Palemene i le P.P.2012/2013 Nu.13, Lipoti a le Pule ma Suetusi Sili i le Fono Aoa o Faitulafono mo le Tausaga Iulai 2009 – Iuni 2010 & P.P.2013/2014 Nu.12, Lipoti a le Pule & Suetusi Sili i le Fono Aoa o Faitulafono mo Iulai 2010 – Iuni 2011 – Iloiloga

FOFOGA FETALAI: O lea e lei faasoloa se mea. Onosai mai ona o lea faatoa tulai mai le Taitaifono e faitau mai Fautuaga ma Iugafono. E le o talia la se felafolafoaiga i le taimi lenei.

Afioga Hon Palusalua Faapo II: Ioe, o le mea lena o lea ou te tulai atu ai. O lau talosaga, ona o le taua o le Lipoti o la e faafofoga mai le atunuu, e a pe a faitau atoa mai Saililiga ma Fautuaga i tulaga ona o le Lipoti lenei o le Lipoti sao mai i le Palemene.

FOFOGA FETALAI: O lea ua maua lou finagalo lau Afioga i le Taitai o le Itu Agai. E pei lava ona fai atu le Fofoga Fetalai i taimi uma, ua uma foi ona tatou pasia Tulafono e vaevae ai tulaga o Fautuaga, Iugafono ma Saililiga a Komiti, ma e le mafai ona toe suia atu i luga i i, o lea ua uma ona fai le lafo aloaia i le Palemene aemaise foi o le Palemia, o le ala lea o lea tatou te alu ai. E le mafai ona toe suia se mea faapena, o loo ua i o outou aao uma tulaga o Lipoti. O lea ua tufa uma atu lava Lipoti i o outou luma tou te faitau ai, o lea foi e avanoa le Lipoti a i ai se isi o le atunuu e fia fesili, ua avanoa e faitau ai. E leai la se mea tatou te asa ai le ogasami ua uma ona asa, o lea ua taatia ua avea ma tulaga ua iloa uma e le atunuu i soo se vaega eseese, ma e le tau faalaulauina iinei tulaga o le Lipoti atoa i Saililiga e pei ona tamau i le lafo ua maea ona tatou pasiaina i le tausaga lea na tea nei.

Tulai mai lau Afioga i le Taitaifono o le Komiti o Ofisa o le Palemene.

Afioga Hon Palusalua Faapo II: Lau Afioga i le Fofoga Fetalai, e leai o se mea lava e fia faamalamalama. O lona uiga e le mafai ona faatu se lafo e toe teuteu ai se lafo e tusa ai ma a tatou Tulafono Tumau?

FOFOGA FETALAI: E le mafai lau Afioga i le Taitai o le Itu Agai. O lea foi o le a tatou toe toso le felefele o le galuega. E leai lava se mea e tasi e toe agai i tua, o lea ua ou faamalamalamaina atu, e oo foi i Pepa a le Palemene i tulaga masani, o lena tou te silafia. E le o toe i ai se mea e tasi ua uma ona faataatia le faaiuga muamua, o le faaiuga lena.

Tulai mai lau Afioga i le Taitaifono e faitau Fautuaga ma Iugafono.

Afioga MUAGUTUTAGATA FAAMAUSILI AUIMATAGI PETER AH HIM: Faafetai i lau Afioga i le Fofoga Fetalai.

O le ootootoga o Fautuaga i le Lipoti a le Komiti i le Lipoti a le Pule ma Suetusi Sili. Lau Afioga i le Fofoga Fetalai, i le Ootootoga o Fautuaga a le Komiti o loo i le Lipoti, e faavae i luga o Saililiga a le Ofisa o le Pule ma Suetusi Sili mo tausaga o loo aafia:-

24 IANUARI 2014

P.P.2013/2014 Nu.56, Lipoti a le Komiti mo Ofisa o le Palemene i le P.P.2012/2013 Nu.13, Lipoti a le Pule ma Suetusi Sili i le Fono Aoaofaitulafono mo le Tausaga Iulai 2009 – Iuni 2010 & P.P.2013/2014 Nu.12, Lipoti a le Pule & Suetusi Sili i le Fono Aoaofaitulafono mo Iulai 2010 – Iuni 2011 – Iloiloga

“SUEINA O TUSI A MATAGALUEGA A LE MALO

E pei lava o faiga faavae a le Ofisa o le Pule ma Suetusi Sili le tuuina atu o se tuisi faapulega (management letter) i Matagaluega ma Faalapotopotoga Tumaoti uma a le Malo, e faailoa atu ai mataupu na maua i suesuega a le Ofisa Suetusi, faatasi ai ma Fautuaga e silasila i ai Pulega o Matagaluega o lo o aafia mo le faaleleia o ia vaega i le agai atu i le lumanai. Sa faamauina le agaga faafetai a le Matagaluega sa tuuina atu a latou tali po o faamatalaga tusitusia i le Ofisa o le Pule ma Suetusi Sili e faailoa ai Pulega lelei i le faatinoga o auaunaga ma le mafai ona tali atu.

9.1. MATAGALUEGA O FAATOAGA & FAIGAFAIVA.

Pe sa Tali le Matagaluega? - Leai.

FAUTUAGA:

1. Moomia le silasila totoa o le Matagaluega i tulaga faaletonu e pei ona taua i lalo ma ia faaleleia mo le lumanai:
 - É Ina ia tausisia ma mulimulitaia faiga faavae e pei ona faataatitia e le Matagaluega o Tupe, faatasi ai ma aiaiga o le Tulafono o Pulega o Tupe a le Malo 2001, mo le vaaia ma le mataituina o tupe o loo aoina mai e le Matagaluega ina ia malu lelei;
 - É E le'i faia ni Lipoti o Faaletonu (IR) e tusa o faalavelave na aafia ai le taavale a le Minisita. O suesuega a le Ofisa Suetusi na faatoā lagalagā ai lea tulaga.
2. Fautuaina le Matagaluega ina ia tuuina atu Faamatalaga Tusitusia e tali atu ai i mataupu sa lagā e le Ofisa Suetusi ao le'i tuuina mai Lipoti a le Pule ma Suetusi Sili i le Palemene i le lumanai.

9.2. MATAGALUEGA O FESOOTAIGA MA FAAMATALAGA TEKONOLOSI.

Pe sa Tali le Matagaluega? - Leai.

FAUTUAGA:

1. Fautuaina le Matagaluega ina ia faamautuina se lisi e aloaia ai le faaaogaina o fale a le Matagaluega e isi kamupani faasalalau;
- 24 IANUARI 2014

P.P.2013/2014 Nu.56, Lipoti a le Komiti mo Ofisa o le Palemene i le P.P.2012/2013 Nu.13, Lipoti a le Pule ma Suetusi Sili i le Fono Aoa o Faitulafono mo le Tausaga Iulai 2009 – Iuni 2010 & P.P.2013/2014 Nu.12, Lipoti a le Pule & Suetusi Sili i le Fono Aoa o Faitulafono mo Iulai 2010 – Iuni 2011 – Iloiloga

2. Ina ia silasila totoa le Matagaluega i mataupu sa laga e le Ofisa Suetusi ina ia foia ai le toe tulai mai o nei faafitauli tau pulega i le lumanai.
3. Fautuaina le Matagaluega ina ia tuuina atu Faamatalaga Tusitusia e tali atu ai i mataupu e lagā e le Ofisa Suetusi ao le'i tuuina mai Lipoti a le Pule ma Suetusi Sili i le Palemene i le lumanai.

9.3. MATAGALUEGA O MATAUPU TAU I LE VA I FAFO & FEFAATAUAIGA.

Pe sa Tali le Matagaluega? - Leai.

FAUTUAGA:

Ina ia silasila totoa le Matagaluega i se auala e mafai ai ona faamauina talosaga mo pepa aloaia e mafai ai ona mautinoa tupe maua a le Matagaluega, ma faapaleni agai i faamaumauga a le Matagaluega o Tupe;

1. Ina ia toe iloilo ina le feagaiga o i ai nei ma le kamupani komipiuta ole CSL i le faaogaina ole igoa tafailagi '.ws' (domain name).
2. Ina ia silasila totoa le Matagaluega i mataupu sa laga e le Ofisa Suetusi ina ia foia ai le toe tulai mai o nei faafitauli tau pulega i le lumanai.
3. Fautuaina le Matagaluega ina ia tuuina atu Faamatalaga Tusitusia e tali atu ai i mataupu e lagā e le Ofisa Suetusi ao le'i tuuina mai Lipoti a le Pule ma Suetusi Sili i le Palemene i le lumanai.

9.4. MATAGALUEGA O LEOLEO & FALEPUIPUL.

Pe sa Tali le Matagaluega? - Ioe.

FAUTUAGA.

1. Ua talia e le Komiti le tali mai ma le faamalamalamaga a le Matagaluega. Peitai na fautuaina ina ia silasila totoa le Matagaluega i mataupu sa lagā e le Ofisa Suetusi ina ia aua nei toe tulai mai nei faafitauli tau pulega i le lumanai.

24 IANUARI 2014

P.P.2013/2014 Nu.56, Lipoti a le Komiti mo Ofisa o le Palemene i le
 P.P.2012/2013 Nu.13, Lipoti a le Pule ma Suetusi Sili i le Fono Aoa
 Faitulafono mo le Tausaga Iulai 2009 – Iuni 2010 & P.P.2013/2014
 Nu.12, Lipoti a le Pule & Suetusi Sili i le Fono Aoa Faitulafono
 mo Iulai 2010 – Iuni 2011 – Iloiloga

9.5. MATAGALUEGA O LE PALEMIA MA KAPENETA.

Pe sa Tali le Matagaluega? - Leai

FAUTUAGA:

1. Ina ia silasila totoa le Matagaluega i mataupu sa laga e le Ofisa Suetusi ina ia foia ai le toe tulai mai o nei faafitauli tau pulega i le lumanai.
2. Fautuaina le Matagaluega ina ia tuuina atu Faamatalaga Tusitusia e tali atu ai i mataupu e lagā e le Ofisa Suetusi, ao le'i tuuina mai Lipoti a le Pule ma Suetusi Sili i le Palemene i le lumanai.

9.6. MATAGALUEGA O LE SOIFUA MALOLOINA.

Pe sa Tali le Matagaluega? - Ioe.

FAUTUAGA.

1. Ina ia silasila totoa le Matagaluega i mataupu sa laga e le Ofisa Suetusi e pei o le mataituina o galuega tetele e pei o le poloketi sa faatinoina i le fale mo Tausi Soifua, ina ia foia ai le toe tulai mai o nei faafitauli tau pulega i le lumanai.
2. Fautuaina le Matagaluega ina ia taofi le soona faaalu o tupe e aunoa ma le silasila totoa i vaegatupe ua faatatauina ma limataitaiina ai le Matagaluega i le faaaogaina o tupe. Ia fua le faaaoga i le seleni ua fuafua faatatauina i Tala Faatatau o Tupe a le Malo.
3. Ia silasila le Matagaluega o le Soifua Maloloina ma le Matagaluega o Tupe i se faiga e fetuunai ai tupe faaagaga i vaega ua matauina o lo o faasiliina pea le faaaogaina o ia vaegatupe mai aofaiga sa faatatauina.
4. Ina ia silasila totoa le Matagaluega i mataupu sa laga e le Ofisa Suetusi ina ia foia ai le toe tulai mai o nei faafitauli tau pulega i le lumanai.

9.7. MATAGALUEGA O PUNAOA FAANATURA & SIOSIOMAGA.

Pe sa Tali le Matagaluega? - Ioe.

24 IANUARI 2014

P.P.2013/2014 Nu.56, Lipoti a le Komiti mo Ofisa o le Palemene i le P.P.2012/2013 Nu.13, Lipoti a le Pule ma Suetusi Sili i le Fono Aoao Faitulafono mo le Tausaga Iulai 2009 – Iuni 2010 & P.P.2013/2014 Nu.12, Lipoti a le Pule & Suetusi Sili i le Fono Aoao Faitulafono mo Iulai 2010 – Iuni 2011 – Iloiloga

FAUTUAGA.

Ina ia silasila totoa le Matagaluega i mataupu sa lagā e le Ofisa Suetusi ina ia foia ai le toe tulai mai o nei faafitauli tau pulega i le lumanai.

9.8. MATAGALUEGA O FAAMASINOGA MA PULEGA TAU FAAMASINOGA.

Pe sa Tali le Matagaluega? - Leai.

FAUTUAGA:

1. Ia silasila totoa le Matagaluega i le faagaioioiga ma le faarisitiina o totogi o pepa mo vaegatama faaetulafono (adoption) ma faaipoipoga tatala (divorce).
2. Ia silasila totoa le Matagaluega i le mataituina o pisinisi faatau ata tifaga ina ia mautinoa o lo o usitaia aiaiga faaetulafono mo le faatauina atu o ata talafeagai mo le maimoa o le atunuu lautele, ma faautagia aiaiga faaetulafono o lo o limataitaiina ai ia ituaiga pisinisi.
3. Ina ia silasila totoa le Matagaluega i mataupu sa laga e le Ofisa Suetusi e pei o le mataituina o galuega tetele e pei o le poloketi sa faatinoina i Tuasivi, ina ia foia ai le toe tulai mai o nei faafitauli tau pulega i le lumanai, aemaise ai o le faaoga tatau o tupe a le Malo sa faatatauina i ia galuega.
4. Fautuaina le Matagaluega ina ia tuuina atu Faamatalaga Tusitusia e tali atu ai i mataupu e laga e le Ofisa Suetusi a o le'i tuuina mai Lipoti a le Pule ma Suetusi Sili i le Palemene i le lumanai.

Susuga Hon Tuilaepa Fatialofa Lupesoliai Aiono Neioti Sailele Malielegaoui: Lau Afioga i le Fofoga Fetalai....

FOFOGA FETALAI: Tulai mai lau Afioga i le Palemia.

Susuga Hon Tuilaepa Fatialofa Lupesoliai Aiono Neioti Sailele Malielegaoui: A gasea le Taitaifono e faitau lenei Lipoti taua tele. Ae o a upu ia, pe sa tali le Matagaluega i, po o le leai?, silasila totoa le Matagaluega. E tasi lava le fautuaga, silasila totoa, silasila totoa, silasila totoa. E leai nisi faaupuga e aumai sei tau exciting ai la outou Lipoti?

24 IANUARI 2014

P.P.2013/2014 Nu.56, Lipoti a le Komiti mo Ofisa o le Palemene i le P.P.2012/2013 Nu.13, Lipoti a le Pule ma Suetusi Sili i le Fono Aoaofaitulafono mo le Tausaga Iulai 2009 – Iuni 2010 & P.P.2013/2014 Nu.12, Lipoti a le Pule & Suetusi Sili i le Fono Aoaofaitulafono mo Iulai 2010 – Iuni 2011 – Iloiloga

Ua tuleimomoe le Maota. A o lea na tutulai mai le Taitai o le Itu Agai, sei faitau mai, faitau mai, faitau mai. Ae pau lava le mea lea matou te faalogo atu i ai, silasila totoa, silasila totoa i tifaga, o le mea lea e matamata i tifaga? O le mea lea ua ou laga atu, o au le isi sa ou naunau e fia faalogo, ae pau lava le mea lea, silasila totoa, silasila totoa, silasila totoa. Alii, e le faapena ona fai ni galuega. O le silasila totoa, a silasila totoa, silasila totoa, silasila totoa. O le a le mea e maua? Na o le silasila totoa lava. Faatino le galuega o le mea lena e taua. Ua ou fai atu ona o lea ua toeitiiti ta le 13:00 ona tuua lea o tatou, ae faalala soo mai, faalala soo mai, faalala soo mai. Na ou faapea e i ai ni teeth o le tou Lipoti, ae na o le silasila totoa, silasila totoa, silasila totoa. Lau Afioga i le Fofoga Fetalai ou te faatu atu ia talia le Lipoti.

Afioga Hon Palusalua Faapo II: Lau Afioga i le Fofoga Fetalai o se mea e fia faamalamalama. O le mea tonu lava lea na ou tulai atu ai.

FOFOGA FETALAI: Ia.

Afioga Hon Palusalua Faapo II: E matuai ou lagolagoina le silasila totoa lea e saunoa i ai le Palemia. A o le upu moni, o le matua manaia o le Lipoti pe a faitau atoa, e leai se isi e toe fia moe, e matuai ou lagolagoina lava e au ia le saunoaga a le Palemia.

FOFOGA FETALAI: Le Taitai o le Itu Agai, o lea ua uma ona fai lau faaiuga.

Tulai mai lau Afioga i le Palemia.

Susuga Hon Tuilaepa Fatialofa Lupesoliai Aiono Neioti Sailele Malielegaoui: Lau Afioga i le Fofoga Fetalai, e leai se mea o...o fautuaga ia, lea ua aumai, e aanoa ia o fautuaga, e pau lava le mea o le fai soo, silasila totoa, silasila totoa, silasila totoa. Afai la o le tatou mea lea e fai iinei i le Palemene o le omai na o le silasila, silasila, silasila, alii, o le tatou atunuu la e mananao e fai auala, la e mananao e fai falemai, la e mananao e fai faleaoga, ae le na o le omai e silasila totoa, silasila totoa. Ou te faatu atu, *Ia talia le Lipoti a le Komiti lau Afioga i le Fofoga Fetalai.*

E lei faaluaina le lafo.

FOFOGA FETALAI: Ia lau Afioga i le Taitaifono, o lea ua uma ona...

24 IANUARI 2014

P.P.2013/2014 Nu.56, Lipoti a le Komiti mo Ofisa o le Palemene i le P.P.2012/2013 Nu.13, Lipoti a le Pule ma Suetusi Sili i le Fono Aoaofaitulafono mo le Tausaga Iulai 2009 – Iuni 2010 & P.P.2013/2014 Nu.12, Lipoti a le Pule & Suetusi Sili i le Fono Aoaofaitulafono mo Iulai 2010 – Iuni 2011 – Iloiloga

Afioga Hon Aeau Peniamina Leavaiseeta: E a pe a aumai ou te faitau atua?

FOFOGA FETALAI: Ia, leaga e feeseeseai ai le gagana ma upu ia i luga o le faitauga o le Tulafono, ae lafo pea i le Taitaifono. Lau Afioga i le Taitaifono o lena e i ina le tofa ma le utautaga Tuisamau.

Susuga Hon Tuilaepa Fatialofa Lupesoliai Aiono Neioti Sailele Malielegaoi: Ia, a o faatali ai ia Tuisamau, se i ou toe lau atu lava le isi mea lea. Silasila totoa, sau tifaga? O lona uiga na o le sau a le mea lea e fai mai e o e tifaga, o e tifaga, o e tifaga. Se ua lava ia lea o lea ua malamalama le Lipoti.

FOFOGA FETALAI: O lea ua tatou oo mai i le Matagaluega o Tupe Maua 9.9, amata i ina.

Afioga MUAGUTUTAGATA FAAMAUSILI AUIMATAGI PETER AH HIM: Faafetai i lau Afioga i le Fofoga Fetalai.

9.9. MATAGALUEGA O TUPE MAUA:

Pe sa Tali le Matagaluega? - Leai.

FAUTUAGA:

1. Ina ia faamalositia e le Matagaluega ni auala faaletulafono e toe aoina mai ai tupe ua faamaonia e le Suetusi Sili mai siaki saisaitia (dishonoured cheques) e tusa ma le \$908,059.23.
2. Ia taofia le toe talaina o siaki a le Afaigaluega (personal cheques) mai tupe maua a le Matagaluega.
3. Ina ia silasila totoa le Matagaluega i mataupu sa laga e le Ofisa Suetusi ina ia foia ai le toe tulai mai o nei faafitauli tau pulega i le lumanai.
4. Fautuaina le Matagaluega ina ia tuuina atu Faamatalaga Tusitusia e tali atu ai i mataupu e laga e le Ofisa Suetusi ao le'i tuuina mai Lipoti a le Pule ma Suetusi Sili i le lumanai.

9.10. MATAGALUEGA O GALUEGA, FELAUAIIGA MA ATINAE TETELE:

Pe sa Tali le Matagaluega? - Ioe.
24 IANUARI 2014

P.P.2013/2014 Nu.56, Lipoti a le Komiti mo Ofisa o le Palemene i le P.P.2012/2013 Nu.13, Lipoti a le Pule ma Suetusi Sili i le Fono Aoao Faitulafono mo le Tausaga Iulai 2009 – Iuni 2010 & P.P.2013/2014 Nu.12, Lipoti a le Pule & Suetusi Sili i le Fono Aoao Faitulafono mo Iulai 2010 – Iuni 2011 – Iloiloga

FAUTUAGA:

1. Talu ai ona ua matauina e le Komiti suiga o le pulega o Fale a le Malo lea ua faasee atu nei i le Faalapotopotoga o Fale (Housing Corporation) latou te mataituina, e fautuaina ai e le Komiti le Matagaluega ina ia silasila i se faiga e tusiesea ai le aitalafu tuua o le fale mau totogi a le Malo i Motootua.
2. Ina ia silasila totoa le Matagaluega i mataupu sa laga e le Ofisa Suetusi ina ia foia ai le toe tulai mai o nei faafitauli tau pulega i le lumanai.

9.11. **MATAGALUEGA O TINA & TAMAITAI, ATINAE O NUU MA AGAFESOOTAI.**

Pe sa Tali le Matagaluega? - Ioe.

FAUTUAGA.

1. Fautuaina e le Komiti ina ia galulue faatasi le Matagaluega o Tina & Tamaitai ma le Matagaluega o Tupe i le mataituina ma le totogiina o aitalafu tuua a nisi o Matagaluega ma Faalapotopotoga a le Malo i le Vaega o Lomitusi a le Matagaluega aua ana tupe maua.
2. Ina ia silasila totoa le Matagaluega i mataupu sa laga e le Ofisa Suetusi ina ia foia ai le toe tulai mai o nei faafitauli tau pulega i le lumanai.”

Afioga Hon Palusalua Faapo II: Lau Afioga i le Fofoga Fetalai.....

FOFOGA FETALAI: Ia malie le Taitaifono, se tasi o sui usufono mo Palota Taitoatasi, Afioga Maualaivao Pat Ah Him, e le faatagaina ni felafolafoaiga i le taimi lenei, e faamalulu atu leaga o lea e faagasolo seia maea ona lau le Lipoti a le Komiti ona avatu lea o le avanoa.

Susuga Hon Tuilaepa Fatialofa Lupesoliai Aiono Neioti Sailele Malielegaoi: Lau Afioga i le Fofoga Fetalai, ou te fautuaina le Taitaifono, a uma le silasila ia escese e lelei e manaia ai, tuu i ai le vaai, a uma le vaai tuu i ai le tilotilo, a uma le tilotilo tuu i ai le maimoa, fesuisuia ai faapena.

24 IANUARI 2014

P.P.2013/2014 Nu.56, Lipoti a le Komiti mo Ofisa o le Palemene i le P.P.2012/2013 Nu.13, Lipoti a le Pule ma Suetusi Sili i le Fono Aoaofaitulafono mo le Tausaga Iulai 2009 – Iuni 2010 & P.P.2013/2014 Nu.12, Lipoti a le Pule & Suetusi Sili i le Fono Aoaofaitulafono mo Iulai 2010 – Iuni 2011 – Iloiloga

Afioga MUAGUTUTAGATA FAAMAUSILI AUIMATAGI PETER
AH HIM: Faafetai e talia lelei lau fautuaga le Taitai o le Malo.

9.12. MATAGALUEGA O AOGA, TAALOGA & AGANUU :

Pe sa Tali le Matagaluega? - Ioe.

FAUTUAGA.

Ina ia vaai le Matagaluega i mataupu sa laga e le Ofisa Suetusi ina ia foia ai le toe tulai mai o nei faafitauli tau pulega i le lumanai.

9.13. OFISA O LE KOMESINA O FAIGA PALOTA:

Pe sa Tali le Matagaluega? - Ioe.

FAUTUAGA.

Ina ia tilotilo le Matagaluega i mataupu sa laga e le Ofisa Suetusi ina ia foia ai le toe tulai mai o nei faafitauli tau pulega i le lumanai.

9.14. OFISA O LE FONO AOAOFAITULAFONO:

Pe sa Tali le Matagaluega? - Ioe.

FAUTUAGA.

1. Ina ia vaai le Matagaluega i mataupu sa laga e le Ofisa Suetusi ina ia foia ai le toe tulai mai o nei faafitauli tau pulega i le lumanai.

10.1. Faalapotopotoga o Tau i mo Faalavelave Faafuasei: (ACC)

Pe sa Tali le Faalapotopotoga? - Ioe.

FAUTUAGA.

1. Ina ia tilotilo le Faalapotopotoga i mataupu sa laga e le Ofisa Suetusi ina ia foia ai le toe tulai mai o nei faafitauli tau pulega i le lumanai.

24 IANUARI 2014

P.P.2013/2014 Nu.56, Lipoti a le Komiti mo Ofisa o le Palemene i le P.P.2012/2013 Nu.13, Lipoti a le Pule ma Suetusi Sili i le Fono Aoaofaitulafono mo le Tausaga Iulai 2009 – Iuni 2010 & P.P.2013/2014 Nu.12, Lipoti a le Pule & Suetusi Sili i le Fono Aoaofaitulafono mo Iulai 2010 – Iuni 2011 – Iloiloga

10.2. Faalapotopotoga o le Faleoloa o Mea Tau Faatoaga:

Pe sa Tali le Matagaluega? - Ioe.

FAUTUAGA.

A o tālia ai fuafuaga a le Malo mo le Faalapotopotoga, e ao lava ina silasila totoa pea le Faalapotopotoga i mataupu sa lagā e le Ofisa Suetusi ma utagia lelei mo le agai atu i le lumanai.

10.3. Pulega o Petipetiga ma Tuuga (TAB):

Pe sa Tali le Matagaluega? - Ioe.

FAUTUAGA.

1. I le maea ai o lana iloiloga na manatu ai le Komiti ina ia fautuaina le Malo e silasila i Tulafono eseese o i ai nei, pe talafeagai ona tuu faatasi i se Tulafono e tasi. O lea faiga e manino lelei ai le pulea ma le faatautaia, faapea ai ma le faamatuuina atu o laisene mo pisinisi tau taaloga faapetipetiga.
2. Ina ia vaai lelei le Pulega i mataupu sa laga e le Ofisa Suetusi ina ia foia ai le toe tulai mai o nei faafitauli tau pulega i le lumanai.

10.4. Faalapotopotoga o le Faletupe o Atiina-Ae o Samoa:

Pe sa Tali le Faalapotopotoga? - Ioe.

FAUTUAGA.

1. Ina ia tilofilo le Matagaluega i mataupu sa laga e le Ofisa Suetusi ina ia foia ai le toe tulai mai o nei faafitauli tau pulega i le lumanai.

10.5. Faalapotopotoga o le Malosi Faa-Eletise:

Pe sa Tali le Matagaluega? - Ioe.

24 IANUARI 2014

P.P.2013/2014 Nu.56, Lipoti a le Komiti mo Ofisa o le Palemene i le
 P.P.2012/2013 Nu.13, Lipoti a le Pule ma Suetusi Sili i le Fono Aoa
 Faitulafono mo le Tausaga Iulai 2009 – Iuni 2010 & P.P.2013/2014
 Nu.12, Lipoti a le Pule & Suetusi Sili i le Fono Aoa Faitulafono
 mo Iulai 2010 – Iuni 2011 – Iloiloga

FAUTUAGA.

1. Ona o le esesega o le lipoti a le Suetusi ma le tali mai o le Faalapotopotoga, o lea e fautuaina ai e le Komiti le Faalapotopotoga ina ia galulue faatasi ma le Ofisa Suetusi i le taimi o le faatinoga o ana galuega faasuetusi, e foia ai le tulai mai o ni feeseeseaiga faapea i le lumanai.
2. Ina ia vaai le Matagaluega i mataupu sa laga e le Ofisa Suetusi ina ia foia ai le toe tulai mai o nei faafitauli tau pulega i le lumanai.

10.6. Iunivesite Aoa o Samoa:

Pe sa Tali le Matagaluega? - Leai.

FAUTUAGA.

1. Ina ia tilotilo le Iunivesite i mataupu sa laga e le Ofisa Suetusi ina ia foia ai le toe tulai mai o nei faafitauli tau pulega i le lumanai.
2. Fautuaina le Iunivesite ina ia tuuina atu Faamatalaga Tusinga e tali atu ai i mataupu e laga e le Ofisa Suetusi ao le'i tuuina mai Lipoti a le Pule ma Suetusi Sili i le lumanai.

3. 10.7. Faalapotopotoga o Mea Tau Fale o Samoa:

Pe sa Tali le Matagaluega? - Ioe.

FAUTUAGA.

1. Ina ia faamalosi taiala mo le malu o tupe a le Faalapotopotoga ina ia aua nei toe tulai mai se tulaga faaletonu faapenei ma faaoga sese ai tupe a le Faalapotopotoga.
2. Ina ia faamalosi le Pulega o le Faalapotopotoga ina ia i ai le puipuga moomia e mataituina ai tulaga faapenei.
3. Ina ia silasila totoa le Matagaluega i mataupu sa laga e le Ofisa Suetusi ina ia foia ai le toe tulai mai o nei faafitauli tau pulega i le lumanai.

24 IANUARI 2014

P.P.2013/2014 Nu.56, Lipoti a le Komiti mo Ofisa o le Palemene i le
 P.P.2012/2013 Nu.13, Lipoti a le Pule ma Suetusi Sili i le Fono Aoa
 Faitulafono mo le Tausaga Iulai 2009 – Iuni 2010 & P.P.2013/2014
 Nu.12, Lipoti a le Pule & Suetusi Sili i le Fono Aoa Faitulafono
 mo Iulai 2010 – Iuni 2011 – Iloiloga

10.8. Faaputugatupe mo le Lumanai Manuia o Samoa(NPF).

Pe sa Tali le Matagaluega? - *Ioe.*

Fautuaga:

Ina ia vaai le Matagaluega i mataupu sa laga e le Ofisa
 Suetusi ina ia foia ai le toe tulai mai o nei faafitauli tau
 pulega i le lumanai.

10.9. Faaputugatupe mo Saofaga o Penisione mo Sui Usufono o le
 Palemene.

Pe sa Tali le Matagaluega? - *Ioe.*

Fautuaga:

Ina ia toe silasila le Pulega ma le Komiti Faatonu mo se
 teuteuga....

10.10. Faalapotopotoga o Vaa a Samoa.

Tausaga Faaletupe na sueina - *30 Iuni 2010;*
Su'ega Faapitoa - *2 Aokuso 2010.*
Pe sa Tali le Matagaluega? - *Ioe.*

Fautuaga:

1. Ina ia vaai lelei le Matagaluega i mataupu sa laga e le Ofisa
 Suetusi ina ia foia ai le toe tulai mai o nei faafitauli tau
 pulega i le lumanai.

10.11. Pulega o le Malae Vaalele.

10.11.1.Tausaga Faaletupe na sueina - *30 Iuni 2005*

Pe sa Tali le Matagaluega? - *Ioe;*

10.11.2.Tausaga Faaletupe na sueina - *30 Iuni 2006,*

Pe sa Tali le Matagaluega? - *Ioe;*

24 IANUARI 2014

P.P.2013/2014 Nu.56, Lipoti a le Komiti mo Ofisa o le Palemene i le P.P.2012/2013 Nu.13, Lipoti a le Pule ma Suetusi Sili i le Fono Aoaofaitulafono mo le Tausaga Iulai 2009 – Iuni 2010 & P.P.2013/2014 Nu.12, Lipoti a le Pule & Suetusi Sili i le Fono Aoaofaitulafono mo Iulai 2010 – Iuni 2011 – Iloiloga

10.11.3.Tausaga Faaletupe na sueina - 30 Iuni 2007,

Pe sa Tali le Matagaluega? - Ioe;

10.11.4.Tausaga Faaletupe na sueina - 30 Iuni 2008,

Pe sa Tali le Matagaluega? - Ioe;

10.12.Faalapotopotoga o Eleele a Samoa (SLC):

Pe sa Tali le Matagaluega? - Leai.

FAUTUAGA:

I le maea ai o ana iloiloga ma ana sailiiliga maeaea, ua fautuaina ai e le Komiti le Malo e faapea:

- 8.1 Talu ai o le ogaoga o faaletonu ma auala faa-alamatua (corrupt practices) e pei ona lipotia mai i le Lipoti o le Suetusi Sili, ma ua faamaonia e le Komiti mai ana sailiiliga, o lea, e fautuaina ai le Malo ina ia faautagia sailiiliga a le Komiti e pei ona taua i le Lipoti, ma faatinoina loa aiaiga faaletulafono talafeagai, ia i latou uma o lo o aafia i leni su'ega.
- 8.2 Ia faatinoina loa se suesuega faa-suetusi faapitoa (performance audit) i le faatinoga o auunaga a le Pulega o le Faalapotopotoga i se taimi vave.
- 8.3. Ina ia vaai le Malo i le faaogaina e le Faalapotopotoga o Eleele (SLC), poo se isi lava Matagaluega poo se Faalapotopotoga a le Malo, o ni 'kamupani e tu i le va' (Middleman), mo soo se auunaga poo le faatauina mai o ni oloa poo ni aseta tumau, ae ia faamalosia le mulimulitaia o faiga faavae a le Malo i lalo o aiaiga mo le faatauina mai o aseta tumau (procurement policy), e aafia ai ma tauofoga (tender process).
- 8.4. Ina ia faamalosia nei le Faalapotopotoga (SLC) ina ia tuuina mai Lipoti Faaletausaga mo tausaga uma amata mai i le Tausaga e faaiuina ia Iuni 2006 seia o'o mai ia Iuni 2012. O Lipoti Faaletausaga uma nei o le pae'aiga faa-Palemene ua tuana'i atu, 2006 i le 2011 ma faauau mai ai i le 2012.
- 8.5. Ina ia tilotilo le Malo i faiga o loo faatino ai le totogiina o konekarate poo konesale ina ia tausisia ma faamalosia le aveeseina mai o lafoga taofi (withholding taxes) ma tuuina atu i le Matagaluega o Tupe Maua i taimi ua faatulafonoina mai.

24 IANUARI 2014

P.P.2013/2014 Nu.56, Lipoti a le Komiti mo Ofisa o le Palemene i le
 P.P.2012/2013 Nu.13, Lipoti a le Pule ma Suetusi Sili i le Fono Aoa
 Faitulafono mo le Tausaga Iulai 2009 – Iuni 2010 & P.P.2013/2014
 Nu.12, Lipoti a le Pule & Suetusi Sili i le Fono Aoa Faitulafono
 mo Iulai 2010 – Iuni 2011 – Iloiloga

- 8.6. Ina ia vaai i faiga faavae o loo faafaigaluega ai tagata faigaluega aemaise i Faalapotopotoga a le Malo, ina ia taofia ni tofiga tuusao (direct appointment), ae ia faasalalauina avanoa, ma aia tutusa uma i ai i latou e talosaga.
- 8.7. Ia vaai le Malo i le mulimulitaia e Matagaluega ma Faalapotopotoga uma o tulafono tau lafoga i luga o totogi o soo se tagata faigaluega, ina ia mautinoa e maua e le Malo lafoga uma e tataua ona maua.
- 8.8. Ina ia tusa ai ma le agaga na faavaeina ai Faalapotopotoga, ia tuuina atu le faatupeina o Ofisa o Minisita, i Matagaluega atu o lo o fitoitonu i ai le Minisita. O se faiga o lo o mafai ona mata'ituina faaauau pea, e le Matagaluega o Tupe ma le Ofisa Suetusi, mai lea aso i lea aso. Ma taofia ai le oia o seleni a Faalapotopotoga ona o auaunaga mo le Ofisa o Minisita.
- 8.9. Ina ia vaai le Malo i le faatulagaina lelei ma le faafoeina o le Faalapotopotoga o Eleele (SLC) aemaise o ana matafaioi tauave ma sini atu na faavaeina ai. E manatu le Komiti ua faavaeina le Pulega o Fale-taalo o lo o nafa ma malae ma fale ta'alo a le Malo. O le Pulega foi lea e tataua ona faamatuu i ai malae ma fale taalo uma o loo i Tuanaimato, e aofia ai ma le malae tapolo, aemaise o le vaaiga o le lotoā atoa (Tuanaimato Sports Complex). O se faiga lea e avanoa ai le Faalapotopotoga o Eleele (SLC) e toe silasila totoa i ana matafaioi faatulafonoina ma agai tonu loa i ai lana faamuamua.
- 8.10. Ina ia tilotilo le Malo i tauofoga e fai i le tusi ma fau (design & build), ua avanoa ai ma faiga lē sao, pe faaitūau foi, i le faauigaina o ata. E talitonu foi le Komiti, o le i ai o le ata e amata ai se tauofoga, o le tutusa foi lea o le galuega o lo o fia faatino i le silasila a konekarate uma, ma faapena ona taumua tutusa uma ai konekarate i le tauofoga o le a faia. O le faigofie foi lea ma manino lelei le faaiuga o le tauofoga e taunuu i ai.
- 8.11. Ina ia faaititia suiga poo variations i soo se galuega, e ao lava ina tapena maeaea lelei le ata ma tulaga uma aua le faagasologa o le faatinoga o le galuega. O le i ai o suiga poo variations, o le avanoa lea i soo se konekarate e faia ai ni tau fou ma ni tau faaopoopo mo le galuega. E ono uiga ese le maualuga o tau faaopoopo nei, aua e leai se faiga faataufo o faia i ai. O le isi foi lea o vaivaiga o le 'tusi ma fau' (design and build), ona e mafai ona faia ma le agaga e toe fai i ai ni suiga mulimuli.

P.P.2013/2014 Nu.56, Lipoti a le Komiti mo Ofisa o le Palemene i le P.P.2012/2013 Nu.13, Lipoti a le Pule ma Suetusi Sili i le Fono Aoaofaitulafono mo le Tausaga Iulai 2009 – Iuni 2010 & P.P.2013/2014 Nu.12, Lipoti a le Pule & Suetusi Sili i le Fono Aoaofaitulafono mo Iulai 2010 – Iuni 2011 – Iloiloga

VAAIGA AOAOTETELE A LE KOMITI.

E pei lava ona atagia i le Lipoti a le Pule ma Suetusi Sili mo Tausaga nei e lua, o le tele o mataupu na laga i suesuega o tulaga e fitoitonu i faaletonu i puipuiga faalotoifale, aemaise ai lava o totonu o vaega nei o le faalitasiina o tupe, totogi o le aufaigaluega ma aseta tumau.

Ua maitauina e le Komiti, o nisi o faafitauli na aliaie mai i nisi o Matagaluega ma Faalapotopotoga a le Malo e pei ona tuuina mai i le Lipoti a le Pule ma Suetusi Sili, ua maea ona foia ma tuuina atu i ai faamatalaga tusitusia a Matagaluega ma Faalapotopotoga e tusa ai ma vaega na aafia ai. Peitai, e maualuga pea i se manatu a le Komiti, a saunia lava Lipoti Faaletausaga a Matagaluega ma Faalapotopotoga ma tuuina mai i le Palemene e tusa ai o aiaiga faaletulafono, o le a leai foi se tulaga e māua ai e le Ofisa o le Pule ma Suetusi Sili ni faaletonu. O le manatu foi a le Pule ma Suetusi Sili, e ala ona tulai mai faaletonu i tulaga tau Pulega i totonu o Matagaluega ma Faalapotopotoga a le Malo, ona o le lē tausisia lava o taiala ma faiga faavae tau tausi tusi ua maea ona faataatitia.

10. IUGAFONO:

I le maea ai o ana iloiloga, na faaiugafonoina ai e fautuaina le Fono Aoaofaitulafono, Ina ia faamaonia :-

1. P.P.2012/2013 Nu.13, Lipoti a le Pule ma Suetusi Sili i le Fono Aoaofaitulafono mo le vaitaimi aso 1 Iulai 2009 – 30 Iuni 2010;
2. P.P.2013/2014 Nu.12, Lipoti a le Pule ma Suetusi Sili i le Fono Aoaofaitulafono mo le vaitaimi aso 1 Iulai 2010 – 30 Iuni 2011;”

Ua maea lau Afioga i le Fofoga Fetalai.

FOFOGA FETALAI: Malo faafetai saunua i lau Afioga i le Taitaifono. Sei tulai mai lau Afioga i le Palemia.

Susuga Hon TUILAEPFA FATIALOFA LUPESOLIAI AIONO NEIOTI SAILELE MALIELEGAOI: Lau Afioga i le Taitaifono, o lea ua ou vaai atu ua ta tonu lava le 12:00 ua tatau foi ona tatou malolo. Ae tatou te lei malolo ma talia le....e momoli atu lau faamalo i le Taitaifono.

24 IANUARI 2014

P.P.2013/2014 Nu.56, Lipoti a le Komiti mo Ofisa o le Palemene i le P.P.2012/2013 Nu.13, Lipoti a le Pule ma Suetusi Sili i le Fono Aoaofaitulafono mo le Tausaga Iulai 2009 – Iuni 2010 & P.P.2013/2014 Nu.12, Lipoti a le Pule & Suetusi Sili i le Fono Aoaofaitulafono mo Iulai 2010 – Iuni 2011 – Iloiloga

O le vaega amata lava o le Lipoti lea sa taua ai i le Saililiga a le Suetusi, o lea e faamalosi mai ai e tatau ona silasila totoa i le Tusi e igoa o le Management Letter, o le Tusi lena e fai uma lava e Suetusi e tau mai ai le lisi o mea ia ni mea ua faaletonu, e faatonutonu ai le Matagaluega ma silasila i ai le CEO mo le faatinoga, kopi foi le Minisita kopi mai foi au i le tele o taimi ia ma ave lau tusi i Faalapotopotoga, ‘vaai mea ia na aumai i le tusi a le Suetusi ia faatino’.

I lalo o le faatinoga o tiute o Suetusi o le latou tiute lea e fai, a uma ona sue tusi vaai i ni mea o faaletonu ia po o tulaga lava masani o siaki ona tapena ai lea o le latou fautuaga lea e faalupe o le Management Letter ona ave loa lea e faatino. O lea la ua faafogafoga ua tolaulau, tolaulau, tolaulau, ae oo mai lava i le faaiuga, ona saunoa loa lea o le Taitaifono, o le tele o mea na fautuaina ua uma ona faatino.

Lau Afioga i le Fofoga Fetalai, o le mea lena o lea e i ai lo tatou Malo. E ala ona ou avatua le tulaga lea, ona o auala ia o mea o lea e faatino ai le Malo. E sue tusi, aumai le fautuaga, faatino. O le tausaga e 2001 na aumai ai se Lipoti a le Suetusi i lena taimi, e matuia foi mea na aumai, ou te manatua na ou tulai atu i i ma ou talanoa ai i le Palemene i le taimi lena ma ou faapea atu, ‘o le manatu o le tele o Faauluuluga o Matagaluega, o le tele lava o mea ia ua aumai ua uma ona faatino, a o le aoga o le Lipoti lea o le faamanatu’.

O lea la ou te tulai atu ai e momoli le faamalo i le Taitaifono, ona o le faaiuga lava o le Lipoti atoa na tolaulau mai i le umi, ae oo mai lava i le faaiuga, ae faapea mai loa le Lipoti, o le tele lava o nei mea, ua uma ona faatino.

Ia lau Afioga i le Fofoga Fetalai, ia o le mea lena na ou tulai atu ai, ou te fautua atu e talia le Lipoti.

FOFOGA FETALAI: E manatu o lea ua tatou taunuu tonu i le tatou taimi malolo, ae e i ai se tasi o mataupu, e taua lena Lipoti na tuuina mai e le natia ona o le tulaga o lo o tuufesili ai foi le atunuu, ma e i ai le lagona o le a taatia felafolafoaiga seia tatou toe taunuu mai i se isi a tatou aso fono, ia ona faapena lea ona faatulaga.

Ae ona ua tatou taunuu i le tatou taimi malolo, ia ou te tuuina atu le avanoa lena i le Afioga i le Palemia mo le saunoaga e faaiu ai le tatou Fono.

SAUNOAGA A LE AFIGA I LE PALEMIA

Lau Afioga i le Taitaifono, o lea ua ou vaai atu ua ta tonu lava le 12:00 ma ua tatau foi ona tatou malolo. Ae tatou te lei malolo ma talia le lafo, e momoli atu lau faamalo i lau Afioga i le Taitaifono.

O le vaega amata lava o le Lipoti lea sa taua ai i Saililiga a le Suetusi Sili, o lea e faamalosi mai ai e tatau ona silasila totoa i le Tusi e igoa o le Management Letter, o le Tusi lena e fai uma lava e Suetusi e tau mai ai le lisi o mea ia, ni mea ua faaletonu e faatonutonu ai le Matagaluega ma silasila i ai le CEO mo le faatinoga. E kopi foi le Minisita kopi mai foi au i le tele o taimi, ma ave lau tusi i Faalapotopotoga ina ia vaai mea ia na aumai i le tusi a le Suetusi Sili ina ia faatino.

I lalo o le faatinoga o tiute o Suetusi, o le latou tiute lea e fai, a uma ona sue tusi ma vaai i ni mea o faaletonu po o tulaga lava masani o siaki, ona tapena ai lea o le latou fautuaga lea e faalupe o le Management Letter, ona ave loa lea e faatino. O lea la ua faafogafoga ua tolaulau, tolaulau, tolaulau, ae oo mai lava i le faaiuga ona saunoa loa lea o le Taitaifono, o le tele o mea na fautuaina ua uma ona faatino. Lau Afioga i le Fofoga Fetalai, o le mea lena o lea e i ai lo tatou Malo.

E ala ona ou avatua le tulaga lea ona o auala ia o mea o lea e faatino ai le Malo. E sue tusi, aumai le fautuaga ma faatino. O le tausaga e 2001 na aumai ai se Lipoti a le Suetusi Sili i lena taimi, e matuia foi mea na aumai ai. Ou te manatua na ou tulai atu iinei ma ou talanoa ai i le Palemene i le taimi lena ma ou faapea atu, “O le manatu o le tele o Faauluuluga o Matagaluega, o le tele lava o mea ia ua aumai ua uma ona faatino.” A o le aoga o le Lipoti lea o le toe faamanatu. O lea la ou te tulai atu ai e momoli atu le faamalo i le Taitaifono, ona o le faaiuga lava o le Lipoti atoa na tolaulau mai i le umi, ae oo mai lava i le faaiuga ae faapea mai loa le Lipoti, o le tele lava o nei mea ua uma ona faatino.

Lau Afioga i le Fofoga Fetalai, o le mea lena na ou tulai atu ai ou te fautua atu e talia le Lipoti.

Lau Afioga i le Fofoga Fetalai, o lea ou te matau atu o le isi a tatou Fonotaga o le aso 18 o Mati, a o le fa o aso sa tatou felafolafoai ai, e le o se felafolafoaiga na mama i le Malo e faapea foi le Itu Agai, ae ou te manatu o le isi lenei Fonotaga e maoae lava le fetufaaiga o o tatou taofi sa faia ai.

O lea ou te momoli atu ai le faamalo i lau Afioga i le Taitai o le Itu Agai, le Sui Taitai ae faapena foi ma lena Itu o le Maota. E faamalo foi i lenei Itu o le Maota, le Itu toatele i Minisita faapea foi ma i latou o Minisita Lagolago i le faatinoga o galuega. O lea e matau mai le atunuu o le a lava le tetele a i Pesega, ae matua lava i le oō'. O uiga ia o a tatou felafolafoaiga i totonu o le Palemene ma e le o ni upu e aveane ai, o upu lava ia e faamanatu pea ma faamanatu pea. A tatou talanoa loa i totonu o le Palemene lenei, e le milia faauu a tatou upu pe a oo lava i le ooooga o mea ma e tasi lava le faanaunautaiga i lou lea matau, o le faanaunautaiga o le agai i le fai o mea lelei. O le naunau mai o lena Itu e faatino i auala silisili galuega a le Malo ma ia taofiofi le faaoga sese o aseta a le Malo.

24 IANUARI 2014

Saunoaga a le Afioga i le Palemia

O le agaga foi lena iinei, tatou te auau faatasi ai i le tulaga lea, ae i ai lava itu tatou te faitau eseese ai aua e le mafai ona o faatasi o tatou manatu aua a le eseese talitonuga, e le tatau ona i ai sa outou Itu Agai pe ana faapea na o lo outou omai lava outou ioe i taimi uma. Matou te moomia foi la outou tuualalo aua e ui lava ina faafoliga o lea matou te osofaia ma le malosi a outou mau, ae aua ne i outou faapea matou te le o amanaia. E leaga o uiga lava ia o o tatou tiute ma tofi o tauave nei, e oo lava i luga i le vanimonimo a tatou finauga. A o tua atu o finauga ia, o lea e i ai le agaga o le fia fai mea lelei. Ona pau le mea e eseese ai, e ese a matou auala ma o uiga ia o le soifuaga.

E i ai le tala malie e masani ona ou faia masalo o le taimi lelei lenei e tatau ai ona ou faia e ui lava ina ua faafagogo tagiao i nisi. E i ai le Taitai o le isi Ekalesia ua manatu e aveese uma lava tagata Iutaia mai le latou Malo, ona loma lea o le aso e fofola ai le fala ae fai le finauga. A malo le Iutaia ua nonofo, ae a faiaina ua o ese. O le faalavelave o le Taitai o le Ekalesia lenei, na o ia lava le faamasino e faia le faaiuga. E le gata ina na o ia le faamasino, ae atamai foi. O le tagata aupito atamai lava lea o lenei foi atunuu. Ona oo loa lea i le taeao o le a fai ai le finauga, o lea la ua savali mai ona tu ae loa lea o le Taitai taofi ai i ina. O le faatinoga o le talanoaga ma le finauga, e leai ni upu ae faatino i le faailo ma le sausau o o la lima. O lea la ua amatamea le Taitai o le Ekalesia, ona tuu lea o lona lima i le itu tauagavale ma talo agai i luga i le itu taumatau. Ona tutu lea o le Iutaia sii foi lona ia lima ma tutui agai i lalo faatolu, toe sii le lima o le Taitai, lona limatusi tuu-mama ma talo mai faapea (*ma faataitai i ona aao*) faatolu. Ona sii foi lea i luga ma le lima o le Iutaia faatolu ma talo mai foi. Ona tago loa lea o le Taitai i totonu o lana taga sei mai ai le apu ma fola i luma. Ona tago foi lea o le Iutaia ia i lana atigipepa sei ane lana sanuisi ma fola mai i luma. Na o le pau lava lena o le la finauga na o uiga lava nei e faaali i le talotaloga o o la lima. Ona fai mai loa lea o le Taitai o le Ekalesia, ua outou manumalo ma ua outou nonofo. Ona omai loa lea o isi fai mai, “O le a alii la oulua mea lena sa fai?” Fai mai le Taitai o le Ekalesia, “Ua outou manatua o tagata Iutaia e ese foi o latou talitonuga, o la e oo mai nei lava o la e faatalitali lo latou Mesia e ono oo mai i se loketi e sau e taitai le latou vaega po o le ami ona o loa lea e faatoilalo Arapi. O le uiga o lau talo atu faapea o lea ou te fai atu, “E te talitonu e pule le Atua i le lagi ma le lalolagi?” Ia, ae sii lona lima ma faasino agai i lalo, e faatolu lava ma ua na faamanatu mai ai ia te au, “Ua galo ia te au o Satani e pule i lalo i Seoli.”

E pei lava la ua ou faalogologo atu ua tau agai mai le latou Mataupu Silisili i le tatou Mataupu Silisili. O le ala lena na toe talo ai lou lima ma ou fai atu, “Ae tasi lava le Atua.” Ona fai mai foi lea o ia, “O, e tasi ae galo ia te oe e tolu peresona.” O le mea lena na ala ai ona ou manatu loa, sei ou see ese mai le mataupu faale-Tusi Paia ae ou talanoa i ai i mataupu faa-Saienisi atonu o i ina ou te popoina ai. O le ala lena na ou tago ai fola i ai le apu i lou lima, “O le a lou manatu, e lapotopoto le lalolagi?”

24 IANUARI 2014

Saunoaga a le Afioga i le Palemia

Ae fai mai, “E leai,” faaali mai lana sanuisi salafalafa lea o loo tusi i le Tusi Paia, “E salafalafa le lalolagi.” O i ina la na ou manatu ai loa, o le matua poto o lenei Iutaia ua malo. A o la foi ua lolofi ane Iutaia fai i le latou tama, “O le a alii le lua mataupu lea na fai ona e leai se isi e malamalama ai?” Fai mai, “Sole, leaga alii le Taitai e faaletonuga.” Fai mai e a? “A lea na talo lona limatusi fai mai, “Iutaia, taoga ese ma le laueleele.” O le ala lona na sii ai lou limatusi, “No way matou te o ese ai, matou te nonofo lava iinei i le nuu na matou fananau ai.” O le ala lona na ala ai ona... ua ou vaai atu ua ita le tamaloa ma faalala mai lona limatusi ma fai mai, “Sole, aua e te ulavale, matua e cheeky tele.” O le ala foi lona na sii ai lou lima ma ou fai atu, “Aua foi e te cheeky mai oe ia te au three times.” Ia, ua outou vaai i ai i le le mafaufau, o lea ua ta le 12.00 ae fai mai, “Ia, tutu ai i ina sei fai lau lunch.” E sei ane lana apu o le a tausami ae ou fai atu foi au, “Ia, tausami mai lau apu i ina o lea foi na ou sau au ma lau sanuisi.” E eseese mamao lava le faauigaina e le Taitai o le Ekalesia, ese foi le faauigaina e le Iutaia.

E faapena mea ia tatou te faia, e ese mamao lava lo outou nonofo i ina ma matau mai mea ia e fai iinei, e ese foi le matou matau atu ma le faatinoga o galuega.

O le mea lea le paia e o le Maota, e matua matautia lenei Fonotaga. A le anoano o Tulafono ua uma ona tatou pasia le faitauga muamua? A o Tulafono tetele lava e tolu lea na tatou pasia nei, o le Tala Faatatau Faaopopo o le Tupe sa tatou faataupepe ai i le 9.00 mai le taeao i le 7.00 i le po, ona tatou see mai ai lea i le Komisi o le Gagana Samoa. Ua silia i le 20 tausaga o taumafai i ai faiaoga Samoa i fao atu o Samoa ma iinei ina ia faatu se Komisi o le Gagana Samoa. O fea e faatu ai? E tasi lava le atunuu e tataua ona faatu ai, o le atunuu o lo o pulea e ona tagata le gagana, le gagana Samoa ma o lea la ua pasia i le aso. Ua leva ona faatalitali mai fao ma le tatou Matagaluega o Aoga i le Komisi lenei sei tau faatonutonu ai le tatou gagana ua masofasofa i le toatele o le mau atamamai e nofo nofo lava lea o tatou faalogo atu ua sui mai lea upu. O le latou galuega lona o lea o le a fai, ia faatonutonu le gagana a Samoa.

O le vaega tolu, o le Faavae na pasia nei i le taeao. Ua uma lelei lava ona tatou pasia a o la e faafogafoga mai Samoa poo le a lea Teuteuga na fai, aua e leai lava se upu na alu atu, o le a le Teuteuga o le Faavae? O le Teuteuga o le Faavae lea e Teuteu ai le umi e umia ai e le Suetusi Sili a le Malo lona tofiga, o lea ua 12 tausaga.

Sa tuutuuloloa le tausaga e umia ai e le Suetusi Sili a le Malo i le 62 o ona tausaga. E i ai mea ua tutupu i le faagasolo mai o Pulega a Malo na toe Teuteu ai e le HRPP le Tulafono ma toe tuu mai ai i lalo i le 3 tausaga. Peitai ane, ua avea ma taiala i le va o Malo le tulaga o le faalaugatasia o tofiga i le 12 tausaga le umi. E lua lava mea e faamasino ai le tutoatasi o le Suetusi i soo se Malo, o le tau umi feoloolo o lona tofiga; ma le lona lua, o le aumai sao o lana Lipoti i totonu o le Palemene leni ae aua lava nei oo atu i le Malo.

24 IANUARI 2014

Saunoaga a le Afioga i le Palemia

O mea na e lua e faamasino ai le tutoatasi o le Suetusi Sili i soo se Malo, leaga o mea e tau i totonu o Tulafono a le Sosaiete o Suetusi o le lalolagi ma o mea tetele ia e lua. O le a le mea e ala ai ona tau faaumiumi le tofiga o le Suetusi? Ina ia aua nei fefe e fai lana faaiuga, ia aua nei fefe e fai a latou suesuega. A uma loa aumai sao lava i le Palemene leni ma a uma loa le 12 tausaga ona uma ai lava lea i ina ma faamavae ae alu ese. E le tatau foi ona toe faigaluega i se lala o le Malo. O le puipuiga lena ina ia aua ne i faasusususu i se Malo. A oo i le taimi e faamavae ai, faamavae motu lava e le toe i ai se galuega e faafaigaluega ai i se Matagaluega poo se Faalapotopotoga. O le ala lena e taua tele ai le teuteuga leni o le Tulafono ma o se itu taua tele i le taeao leni le leai lava o se isi e faasalaese ona e 46 sui usufono o auaufaatasi ai. O le a le ata lea e tau mai iinei? O le ata i le naunautai o i ina ma iinei e fai le amiotonu.

Ou te momoli atu le faamalo i Taitaifono o Komiti. O lea ua ou talanoa atu i le tulaga i a outou galuega. O a foi mataupu tou te lagalaga mai, pe tiga i Minisita ma au leni, o aga na o a tatou galuega faa-Palemene. O le a foi la se tali atu a matou, pe taliāā, ae le mafai ona avea le mea leni. O lea ou te iloa lelei o le agaga i ina ia fai ma le amiotonu a tatou galuega ma o le agaga foi lena iinei. E pei lava ona ou talanoa atu, o le matafaioi tauave lena a le Kapeneta, o le tapa o Matagaluega ma a latou Lipoti ma tuliloa suesuega ia a le Suetusi Sili. A o le tatou atunuu, e le o se atunuu e 100% tagata faigaluega. A lea e gagana ai tatou, o le a lava le tautai matapalapala, o le a lava le tautai e poto, e i ai lava le taimi e sese ai lana atu i ama?

O upu na sa faataoto mai e o tatou matua, poo ai lava le tagata poto, e le sao lava i taimi uma. Ae le faapea e avea sina sasi tatou te taumafai ai lava e sisi ma faatautau ma tapa ia tafe le toto ma ia fasioti. E le faapena le agaga o le atunuu leni leaga o le atunuu e Faavae i le Atua.

Aua tatou te seetia i mafauauga o tamaiti e tusitusi i le Observer aua ua na o ni tamaiti. A outou tilotilo i ai, o le matua laity lava, a o le a seetia ai outou. E pei lava ona ou taua, sei vaai i nei tagata matutua ua o pue ata ona aumai lea o nei tina ma faapea mai, “Sei vaai i ai i le le mafauau o le Palemia ua saunoa ma fai mai o tofiga o tofiga a le Atua?” A o fea mea nei tatou te faitau i ai i le Tusi Paia ma laulauvivilu mai ai Auauna o le Talalelei, o lou valaauina o oe o le Failautusi na o le pau lava lea o lau mea o le tata o le typewriter ma o lou valaauina lena mai le Atua? O lou valaauina e avea oe ma Taitai o le Malo i totonu o le Palemene leni, o lou valaauina lena mai le Atua. A silasila ia Tavita, ua faafia ona tulituliloa e Saulo e faauma lona ola? O lea e fai lau lauga faai. Ua faafia ona tulituli e Saulo Tavita e fasioti, ae faalua lelei ona aumai e le Atua Tavita, savali mai lava o la e momoe atoa le vaegaau, savali mai lava e oo lava i ana personal guards. O le a le upu a Ioapo, “Tavita, fasioti.” E tasi lava le upu a Tavita, “Oi, e te fasiotia le tupu faauina? Aua nei e pai i le ola o le ua faauina, ioe.”

24 IANUARI 2014

Saunoaga a le Afioga i le Palemia

O i tatou tatou te faitau i le Tusi Paia ma tatou o i ai e maua mai ai se fesoasoani mo tatou. E faapena lava, afai e fai e le Atua le tofiga, e fai foi e le Atua le faaiuga o le tagata. Pe auala mai i le Tulafono, o le Tulafono lava lena. O le Atua na aumaia le Tulafono ia i tatou. E le faapea e ese le Atua ese le Tulafono. A o upu na faamataga mai ai nai loomatutua, a o le nofo ma tautau le Atua. O lena ua ou talanoa atu, o isi Afioga ia a le Alii, “O lē ma e tautau Au i luma o tagata, ou te ma foi e tautau ia i luma o lou Tama.”

Lau Afioga i le Fofoga Fetalai, o taimi tatou te omai ai i totonu o le Palemene, tatou te filifili ai. E te sau loa i totonu o le Palemene ona e nofo sauni lea, o mea leaga uma ma mea lelei e te amoina. E seasea e amoa se mea lelei ae na o mea leaga, mea leaga, mea leaga lava. E leaga e avea tatou, o tatou o tofiga o tagata lautele, e alu alu lava lea ua fia lafo se upu, lafo. Ona pau lava le mea ia tatou faia, ia tatou onosai ma faamagalalo. O le Tulafono Sili lena na aumai e le Alii, o le alofa i ou uso a tagata. Ae le mafai ona e faatinoa lena mea pe a le maua oe i le loto faamagalalo ma e ita i lou uso. E te le faamagalalo loa lou uso, e leai se aoga e te toe tatalo ai i le tatalo a le Alii leaga o le tatalo a le Alii, o le fatu atoa lena e aumai i totonu o le tatalo a le Alii. O le fetalaiga a le Alii, o le tatalo lea a le Alii, o lena ua atoa uma ai lava i ina mea uma e aofia ai ma lou faamagalalo. A e le faamagalalo la lou uso, o le a le uiga o lau tatalo i le Alii ia faamagalalo mai e pei ona ou faamagaloina atu. O le a le uiga o le mea o le a tupu? Ua e toe nofo lava oe ma fetuu oe i luma o le Atua Silisili Ese. O le mea la lea, poo le a lou fai mai e te alofa i tagata ae le maua oe i le loto faamagalalo, o le pepelo silisili lena i luma o le Silisili Ese. O le ala lena i le aso ananafi, na ou matua fiafia ina ua faamagalalo e le Sui Palemia le Taitai o le Itu Agai, faamagalalo foi e le Taitai o le Itu Agai le Sui Palemia. O le ala foi lena na ou faapea atu ai ia Faumui, “Faumui, faamagalalo Papaliitele le Taitaifono, Papalii, faamagalalo Faumui.” O aga na a Taitai o le atunuu e limataitaiina i Tapuaiga Kerisiano.

Lau Afioga i le Fofoga Fetalai, o le tulaga lena mo i tatou. Aua ne i maua se isi i le loto fia tau ma sui leaga ua matua manino lelei Afioga a le Alii, “Aua ne i ia i tatou le tau aua e le o se tatou mea lena o le tau, ae ia e agalelei i taimi uma e agaleaga mai ai lou uso ia te oe.” Aisea? Aua o taimi uma lava e te agalelei ai i ai, e saga faupue ai foi malala ola e le Atua i ona luga, luga o le o loo agaleaga ia te oe.

O au toe upu na lau Afioga i le Fofoga Fetalai, o le taua ia mo i tatou. O a ni lafoga mai lena Itu iinei, matou te faamagalalo atu. A o le matou tatalo, ia faamagalalo mai foi aua e le faapea matou te atoatoa. O le tatou galuega e selau pasene, o lea tatou te taufai galulue mo le lelei o le tatou atunuu.

Samoa, ia faamagalalo mai foi lau Palemene pe a outou faafogafoga mai ua le tautamalii se matou upu. E i ai foi taimi tatou te le atoatoa ai lau Afioga i le Fofoga Fetalai, faamalo atu foi i lou taumafai mai aua na o le lava o lo o e taumafai e taofiofi le toa 48 o matou.

24 IANUARI 2014

Saunoaga a le Afioga i le Palemia

O toe upu, ia faamanuia mai le Atua i le tatou Maota, ia maua se malologa ma ia tatou toe feiloai i le aso 18 o le masina o Mati ua uma ona faatulaga i a tatou galuega. Ia manuia le tatou Fono.

FOFOGA FETALAI: Malo faafetai saunoa i lau Afioga i le Palemia. E i ai se mataupu lau Afioga i le sui usufono mo Siumu?

Tofa Hon Tuuu Anasii Leota (Siumu): Lau Afioga i le Fofoga Fetalai o se mea lava lea e fia faamalamalama faamolemole ina ia taape le Palemene ua manino. E le o au le Taitai o le Ekalesia lea e saunoa i ai le Palemia, atonu po o Saulo po o Tavita leaga o lea e tusitusi mai lona aao ma tilotilo mai ia te au.

Ma le faaaloalo lava.

TOLOPOINA

FOFOGA FETALAI: Aua ia e te atugalu o lena e toatele isi sui usufono i ou tafatafa, o le lauga faalauaitete a le Palemia.

Ia manatua o lea ua tapautia o le tautiaga aua le faalelegafulu i lena aso, o lea foi ua malie le faga i Fa, ua malie le Papaigalagala ua malie le togafaugagana, ua malie le tosogaaulama, ua avamagalo le Atua i le tatou vaa i lena aso. Ia, e le toe faasilia se upu o lea ua saunoa malele le Palemia, Samoa, o le a sau faafogafoga o oe o le poututoa o le Maota lena, afai e faatama o le po le gagana pe faapuatoli i le gaoa upu ma tala, ia, e tiu i le vaatele le sa folau o le Palemene ona o lau tapuaiga. A o le tatalo, ia, o le a se auaunaga ua tautamalii ma tau i manu, tatou viia le Atua, o le manuia lena o le tatou Palemene, leaga tatou te tutu i le too ma tatou tepa i le ata, o le Atua e pule aoao i mea uma lava o le lagi ma le lalolagi, pule i tagata, pule i le Malo o Samoa, pule ia i tatou uma. Ia aumaia lena e tau ma tatou afifi ma lafo i le Atua ina ia tau i manu le tatou valaauina ma le faasologa o le tatou galuega o lena tausaga.

Faafetai atu i le tatou Palemene i ona tulaga faalupelupe, o sa ma faiga i paia ma mamalu aua le paia i Aiga ma latou Tama ma Faleupolu Tofia o le atunuu, ia malo le tofa, malo le fetalai, malo saunoa. Ou te talitonu ua faalogologo ma le totoa le tapuaiga a Samoa aemaise le tatou atunuu, ua manuia le alofaiva o le tatou Fonotaga. E faapea foi ona faafetai atu i le tapuaiga a le aufaitatalo, o lo o outou velo pea le uluai asomua o le malama ma outou tapuaia faiva o le Palemene, o la outou fatuaiga tausi lena, o outou lava o le Atua moeao ma le Atua moepo o Samoa ma lana tapuaiga ina ia manuia le tatou alofaiva. Ia manuteleina la tatou faiga malologa ma le talitonuga ia taitai lo outou soifua manuia i le soifua laulelei ma le soifua maua i le Aso Fono o le a tatou tolopo i ai.

24 IANUARI 2014

Tolopoina

A o le i tuua le Fono ou te valaau atu i lau Susuga i le Faafeagaiga Taulagi, se tasi o sui usufono mo Salega, Tofa Tapuai Toese Ah Sam ona o lou lava lea sao o le tatalo faamanuia aua le tatou Palemene.

Tulai mai le sui usufono e faaiu le tatou Fono i se tatalo.

Tatalo.

Na tolopo Taulumaga a le Fono Aoao i le itula e 12:30 i le aoauli, seia aulia le itula e 9:00 i le taeao o le Aso Lua, 18 Mati 2014 e tusa ai ma le Polokalame o Fonotaga a le Palemene 2014/2015.